



Уссавнил Кавказрай педагогикалул цалчинсса доктор

Январь зурул 5-ний аьпалухъун лавгунни ххаллилсса лаккучу, цанихсса аьлимчу, педагогикалул элмурдал доктор, профессор, Аьрасатнал ва Дагъусттаннал лайкь хьусса элмийсса зузала Буржунов Гьарун Хажикьурбаннул арс.

14 лаж.



№6 (2172)

17 ФЕВРАЛЬ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкИсар 1917 ш. Цунил итабакьлан бивкИсар 1991ш.

Кира ххаллилсса мухIулттул заллу

«Ттун укун захIматсса биявуя аьркинну диркИсса»

Щаллагу дуняллийх ца дурксса MMA-рал ию Ислам МахIачевлуя хьунни Кира мухIулттул заллу, Австралиянал ию Александр Волкановски ух увну. Исламлул ва Александрлул данди буккаву, кIулсса куццуй, хьуссар Австралияну Перт шагьрулий, 284 UFC турнирданий.

Бадрижамал АБЛИЕВА

Ва данди буккаву кIягу июл оьрмулуву хьунни ца ляличIимурну. Ваниннин вай цаягу цалагу ух хьуну акъая: Ислам ваннинин лув-ялув 11 ххув хьуну ия, вайннувагу ххюйла ккаккан дурсса чIумуяр хьхьичI, Александрлул ваниннин 12 ххувшаву ларсун дия. Рейтинграйн буну вай кIягу хьанай бур язисса биолтну. Ва ялагу, уттинин Ислам ххюрагу раундрал лахьшиврий иллай цалагу къавкИсар, ва данди уккавугу жула чемпионнал спортрал карьералувун ляличИсса ишну дурхсар.

Цува Ислам ва ххуллухсса данди уккаврия укун тIий ур:

– На захIматсса данди уккаврийн хIадур хьанай уссияв. Ва хьинну ххуйсса бияву хьунни. Ванил на хьиннува магьир увантИссара, канчирча уттинин на тачлав ххюрагу раундрал лахьшиврий ивну акъаяв, уттирив ттул укунссагу опыт хьуссар. Барчаллагь вин, Алекс. Хьинну ххуйсса бияву хьунни. Ттун хасну укун захIматсса биявуя аьркинсса...



Февральданул 15-ний жула цанихсса ию Ислам МахIачев кIира мухIулттушал зана хьунни Дагъусттаннайн. Ва хьунаакьин аэропортрайн, хьхьунил чIалсса чIумух къабурвгун, букIун бия республикалул спортрал министр Сажид Сажидов хIаласса инсантал.

Вара кьини, спортсмен игьа-лагансса, цайна цува учIансса мажал бакъа, МахIачкъалалив «Горная Долина» банкетру буйвай залдануву хьунни Исламлушалсса хьунабакъаву. Шиккун ва хьхьуну хьинну чIявусса инсантал бавтIун бия дуняллийх ца дурксса июшала хьунабакьин: залданул 1-мур зиву дуриIуну дия оьрчI-бакIуннашалсса хьан-

→ Ахир 9 лаж.

Жула аслансса арс



Ислам гьан-маччаминнал дянив



Ца дурксса июл савлугьрансса торт

Агъамсса масъалартту

Февральданул 13-нний Дагъусттаннал БакIчи Сергей Меликовдул дунни, республикалул влаьстрал органнал каялувчиталгу гурттуну, хъинну агъамсса масъалартту ххал бигълагъисса батIаву. Муний ххал бивгъунни бюджетрал арцух объектру баврил, капитал ремонт даврил ва цаймигу масъалартту.



ДР-лул строительствалул, архитектуралул ва ЖКХ-лул министр Артур Сулаймановлул бувсунни ва идаралул 2022 шинал бартдигълай дирIсса программарттал агъамми ккаккиартту биттур даврил ва гъашину бартдигъин аьркинсса давурттал хIакъираву. Ванал тIимунийну, «Къулайшивуртту дусса шагърулул кIанттурду дузал баву («Формирование комфортной городской среды») тIисса федерал проектрал ккаккиартту дукIу биттур дурну дур 100%. Дузалшиннарду дурну дур (благоустроили) республикалул 47 муниципалитетрайсса 179 кIантту. Гъашинугу пландалий бур дузалшиннарду дувансса 142 кIану. Тамансса давуртту дурну дур мукунна «МарIсса шин» тIисса федерал проект бартдигъаврил лагрулийгу: дукIу республикалий бувну бивкIссар 4 объект. Министрнал бувсунни чув ва цукунсса объектру бувсаривгу.

Биттур дурну дур мукунна инсантурансса къатри даврил ккаккиартту. Ларгсса шинал дурну дур 1 млн кв.м. къатрал, гъашинугу дувантIий бур 1млн ва 132 азарда кв.м.

Министрнал бувсунни инсан-

тал кугъна хъусса къатрава бизан баврил программа бартдигъаврил хIакъиравугу. Ванал тIимунийну, кугъна хъусса къатрава изан увну ур 2000 инсан. Уттигу бизан буван аьркинну бур 181 кулпат.

Артур Сулаймановлул личину бувсунни долевоу участиялий дуллалисса къатрал бакIрачIан бивкIмунил ва мукунна инсантурал ихтиярду дуруччаврил хIакъиравугу.

БатIаврий ххал бивгъунни бакъа кучардавух заназисса шярал ккаччал масъалагу. Муния ихтилат бунни ДР-лул Ветеринариялул комитетрал председателънал буржру бартдигъаьима Сергей Попандопул. Мунал тIимунийну, шяррайх багъсса ккаччив бугълай, хъин буллай, вакцинарду буллай ва биркарду бишлай бур. Ванал тапшур бунни циняв муниципалитетирттайн шинал ахирданийннин льякъин питомникру бансса аьршив. Цанансса ппурттуву так 8 муниципал сакиншиндарай бур хIайвантрансса приютру.

БатIаврил ахирданий дунни цаппара тапшурлугъру.

**ХIадур бувссар
ХI. АБДИЛОВЛУЛ**

«Анаварсса кумаг» ва заназе ФАП-ру



Ларгсса тIалаткъини Дагъусттаннал ХIукуматрал хъунаманал хъиривчу АбдурахIман МахIмудов гуртту хъунни Дагъусттаннал медициналул идарарттан «Анаварсса кумагал» цIусса машинартту ва заназе ФАП-ру буллалисса шадлугърай. Шагърурдал ва районнал азарханардал хъуними хIакинтурахъхъун кIулли дуллуна республикалул цIуллушиву дуруччаврил министр Татьяна Беляевал. «ХIакъину Дагъусттаннал шагърурдал ва районнал азарханардайн биянтIиссар «Анаварсса кумагал» 10 машина, чIал къавхъуну жу 4 машина уттигу машан ласунтIиссар.

П. РАМАЗАНОВА

Му бакъассагу, районнал азарханардан жу буллалиссару 12 медициналул комплекс, вайннул шярваллил кIанттай медициналул зузалтрал даву чIаланну гъазгу, къулайгу дувантIиссар», – увкунни Беляевал. Вай машинартту машан лавсун бур Аьрасатнал Минпромторгал. Заназе ФАП-рал бур гацIана обьттуву холестерин ва качар

ххал бувайсса мини-лаборатория, ИВЛ аппарат, гъарзат аьркинмур. Вице-премьер АбдурахIман МахIмудовлул кIицI лавгунни, 2 шинал лажиндарай, республика модернизациялул программалул лагрулий 282 автотранспортрал ва «Анаварсса кумагал» 33 машиналул дузал дуршиву, вара программалул лагрулий гъашинугу 90 цIусса автомашина республикалул медициналул идарарттайн биянтIишиву.

Февральданул 9-10-нний Москвауллал мэриялул къатраву хъунни Аьрасатнал Хъудугъултрал (фермертурал) хозийстварттал ва Шярваллил хозийстварттал кооперативирттал (АККОР) ассоциациялул 34-мур съезд. Муний гуртту хъунни Дагъусттаннал фермертурал делегация ва ДР-лул шярваллил хозийствалул ва бакIлахъиялул министрнал цалчинма хъиривчу Шарип Шарипов.

Аьрасатнал фермертурал съезд

Съезд хас бувну бия агъали фермертурал дукиялул дузал баврил, стратегиялул приоритетру аьям даврил ва фермертурал хозийствартту ттинияр тухуннайгу лядуккан даврил масъаларттан.

Съездрай цалчинмур къини гуртту хъунни АьФ-лул шярваллил хозийствалул министрнал цалчинми хъиривчутал Елена Фастова, Максим Увайдов, Иван Леведев ва цаймигу зузалт. Миннал гъартану бувсунни аграр политикалул приоритетирттая, жавабру дуллунни фермертурал буллусса суаллахъун.

Съездрал цалчинмур къини дурсса давурттал хIакъираву Шарип Шариповлул тIимунийну, фермертурал хозийстварттал хъунмасса кIану бугълай бур АПК-лул экономикалуву. Дагъусттаннай дусса дур 3800 хъудугъултрал-фермертурал хозийство ва АПК-лул иш-бажаранчитурал хозийство, миннацIун цIакъ дурну дусса дур 758 азарда гектар аьршарал. Дянивну Дагъусттаннал ца фермернал хозийствалухъ дур

199 гектар аьршарал, билаятрай тIурча, ца фермерначIа дянивну хIисавну дур 352 гектар.

Дагъусттаннал фермертурал цIакъ дурсса аьршарал 87% бур ризкйилулул лухччал ва так 8% хIисавну бур дугъайсса хъуруннал. Ми ккаккиарттал буслай бур республикалул чIяруми фермертурал хозийстварту ризкйичитурал душиву. Дагъусттаннал чIяруми фермертурал хозийстварттаву ятту ябулай бур, миннуцIун цIакъ бувну бур 2 млн ва 250 азарва яттил хIайван. Миннуяр ххишалагу, ризкйилулул продукциялул 18% (дикI, накI) дулайсса дур фермертурал хозийстварттал.

– Республикалул каялувчи хIарачат буллай ур фермертурал хозийствартту лядуккан дуллан. Аграр бюджетрал аьмсса лагрулияту дянивну 35-40% тIайла буккайсса фермертурал хозийстварттансса кумагран. Тамансса каширду дур багъру ва бахчарду баврихъу, миннувах – теплицардал хозийствартту даврихъу, – кунни Шарип Шариповлул.

Федерал закондалуцIунсса дахханашивуртту

Февральданул 8-нний АьФ-лул ПаччахIлугърал Думалу-ву Аграр масъаларттал комитетрал председателъ Владимир Кашиннул каялувшиврий хъунни «Аьршарал мелиорациялул хIакъираву» тIисса «Федерал закондалуву дахханашивуртту даврил» закондалул проект ххал дигълагъисса батIаву. Масъалалул хIакъираву махъ лавхъунни ДР-лул Халкъунал Мажлисрал Аграр политикалул комитетрал председателъ Асият Аьлиевал.

Муниясса бувчIин бавуртту дунни батIаврий гуртту хъусса ДР-лул шярваллил хозийствалул министрнал цалчинма хъиривчу Шарип Шариповлул.

Мунал тIимунийну, 2022 шинал, Федерациялул Советрал Председателъ Валентина Матвиенко жула республикалийн бивкIсса чIумал, Дагъусттаннал БакIчи Сергей Меликовлул хъьичIун лавсун бивкIссар «Аьршарал мелиорациялул хIакъираву» тIисса Федерал Закондалуву дахханашивуртту даврил закондалул проект хIадур даврил масъала. 2021 шинал АьФ-лул Советрал площадкалий Дагъусттаннал БакIчинал бувсун бивкIссар Дагъусттаннан хъинну агъамсса Къызлардал ризкйилулул лухччив къундалулу авлахърайн кIура даллай дуршивул масъала.

Республикалул каялувчинал тапшурлугърайну ДР-лул ХIукуматрал Председателъ Абдулмуслим Абдулмуслимовлул сакин дурну дирIссар федерал закондалуву дахханашивуртту даврил хIакъиравусса закондалул проект. ДР-лул Минсельхоз-промрал ва ДР-лул Халкъунал

Мажлисрал цацIу хIадур дурну дур закондалул проект. Му хъинчулий къамул дурну дур региондалулул законбраниялул ва ларсун дур АьФ-лул ПаччахIлугърал Думалувун.

Шарип Шариповлул бувсунни Дагъусттан хъанай бушиву мелиорациялул федерал программалул гурттучину. Мунал тIимунийну, му программалул лагрулий 2014-2022 шиннардий фитомелиорациялул давуртту дурну дур 21 азарда гектарданий. Гъар шинал дурсса давуртту хIисавравун ларсун, билаятрал субъектирттаву Дагъусттаннал бугълай бур цалчинмур кIану. Амма ми давуртту чанну дур регионалийсса тагъар хIисавравун ласурча. Цанчирча, Щалвагу Аьрасатнал Агроэкологиялул институтрал ккаккиарттайн бувну, республикалий тIивтIусса къундалулу лагру дур 150 азарда гектар ва ялагу сайки 300 азарда гектар дур мючан дакъасса тагъарданий.

Шарип Шариповлул бувсунни аьршив къундалулу авлахърайн кIура даврил саварттал хIакъиравугу.

**ХIадур бувссар
ХI. АБДИЛОВЛУЛ**

Дунияллул гъунттулу

ЦIусса хаварду ца-кIива ххуттайну

ЦАВАГУ КЪАТТА КЪАЛЕВКЪССА ШАГЪРУ

● Турциянаву ва Сириянаву зарзала дагъсса вай гъантрай Туркнал Виричунан ккаллину ур Эрзинь тIисса шагърулул мэр Оккеш Эльмасогълу. Ва шагърулий царайрагу къатри леркъун дакъар. Ва иширал сававу мэр, дуллалисса къатрал ялув авцIусса, строительствалул даврил кбаралулу цIакъну дуруччаву тIалав дуллалисса унутIийри тIий бур. Эрзинь 42 азара инсан яхъанахъисса къиблалухсса шагъру бур, Хатай провинциялул дязаннивсса. Февраль зурул 6-нний хъусса зарзала сававну Хатайнал чIявусса шагърулул эяллайн бивкун бур, чIявусса инсантал ливтIуну бур. Так Эрзинь шагърулий цаьгу инсан ивкIусса, ивцIусса хъуну акъар.

САХА АЛФАВИТРАЛ ХIАРПУ ДУССА КЛАВИАТУРА

● Якутиянаву, Ниттил мазрал къинилун хасну, Математикалул ва информатикалул институтрал чичурдалсса буллалисса музейрацал уртакъну Саханал цалчинсса алфавитрал гъанулийсса клавиатура хIасул дурну бур. Ванийн «Новгородовлул клавиатура» тIий бур, ва 1917 шинал Якутиянал цIусса алфавит хIасул бувсса, миннал мазрай цалчинсса лугтирду итабавкъусса аьлимчу-лингвист ур. Компьютерданийн ва клавиатура цукун лахъан дувайсарив лахъхъин дуллалисса инструкция бур, гъарманаша бюхълай бур, ччай ухъурча, клавиатура компьютерданийн лахъан дуван. Укуннасса клавиатура смартфоннайн лахъан дувангу хъунтIий бур, муниха зий бусса бур.

КЪАРАЧАЙ-ЧАРГАСНАЛ МАЗУРДИЙССА ККАЗИТРУ – АБРАЙН

● Хасъсса аьралий иширттаву гуртту хъанахъиминначIан къарачай-чаргаснал мазурдийсса кказитру гъан буллантIий бур. Кказитру 5 мазрайсса итабакъинтIий бур: къарачайнал, абазиннал, нугъайнал, чаргаснал ва оьрус. Цалчинми кказитру итабакъинтIий бур Ватан дуруччайминнал къинилун хасну, 500 экземпляр тиражрал.

ЛЯВКЪУССА ТТУРШАЗАРВА ДОЛЛАР ЗАНА БУВНУ БУР

● Турциянаву Аьрасатнал ххассалбувултран, зарзала дагъну хъусса лекъурдалсса буллай бунува, 100 азарва доллар льякъуну бур кIункIурдуву. Цал тайннан планшет бакIрайн багъну бур, планшетрал чехолдану-вугу арцул далухIи льякъуну дур. ГацIана кIанттулул полициянангу баян бувну арцу льякъушиву, гихунмай зий булувкъуну бур. Яла кIункIурдуву арцул бакIу льякъуну бур. Аьмну 130 азарва доллар ва 1300 евро полициянахъхъун булуну бур. Турциянаву Аьрасатнавасса 150 ххассалбуву зийна ур.

**ХIадур бувссар
П. РАМАЗАНОВАЛ**

Февраль зурул 15-ний МахIачкьалалив хьунни совет аьрал Авгъаннава буккан буну 34 шин шаврин хас дурсса митинг. Шикку гьуртту хьунни Дагъусттаннал ХIукуматрал председателънал хьиривчу АбдурахIман МахIмудов, ДР-лул захIматрал ва социал иширттал министр Мурад Казиев, шагьрудул администрациялул, гужирдал структурардал ва ветерантурал организациярдал вакилтал, аьралай иширттал ветерантал, МахIачкьалалал школардал дуклаки оьрчIру.

Авгъан дяъвилий жанну дуллуми дакIнийн бивчунни



Андреана АБДУЛЛАЕВА

Мероприятие тIитIлай, ихтилат бунни АбдурахIман МахIмудовлул.

– Дяъви нанисса ацIра шинал лажиндарай Авгъаннава жула билятрал 15 азарунни ливчусса аьралитал оьрмурдацIа хьуссар. Вай жунма мудангу дакIний бикIантIиссар. Та дяъвилия занангу хьуну, хIакьину жагьилсса ник тарбия давриву гьуртту хьанахь-иминнангу хьунмасса барчаллагь. МукIрура зуша ялун нанисса никираву ватандалухсса ччаву чантI учин дан, зуувасса кьичи жагьилиминнангу бутан бюхъаншиврий. Дагъусттаннал БакIчи Сергей Меликов гьарица шинал чаран ляхьлай ур Авгъан дяъвилул ветерантурал масъалартту шаллу бан. Гьашинугу региондалул бюджетраву вайннал ялапаршиннарал

шартIру кьулай дан ккаккан дурсса арцу дуссар.

КIицI лаган ччива, хIакьину билятрал мурадру буручлай, Украиннавусса хасъсса операциялуву гьуртту хьанахьисса дагъусттанлултурал чувшиву. Миннал кулпатирттангу кумагру буллау буссар. Цак бакъар, цинявппа цацIун хьуну жушава гьарица кулпатрах аякьа дан ва миннал масъалартту шаллу бан хьуншиврий, – увкунни АбдурахIман МахIмудовлул.

Мероприятилул гьурттучитурал баян бунни минутрайсса пахь багъаву, дирхьунни тIутIив аьпалухьхьун лавгминнал гьайкалдануцI.

ДакIнийн бутан, ва кьини, 34 шинал хьхьичI, ахир хьуссар совет аьрал гьуртту хьусса яла ляхь лавгмур дяъвилун. Ва кьини, 1989 шинал, Авгъаннал аьршарая дурссар махъра-махъсса совет аьралитурал колонна.

Пресс-конференция

Дуснакълултал давурттал дузал буллау бур

Судрал давурттай зунсса танмихI кьувкъуминнан (принудительные работы) хасну заводирттай сакин буну бур дуснакълултал тарбия байсса идарартту (цетрду). Мунил хIакъираву пресс-конференциялий бусунни ДР-лул УФСИН-далул хьунама виваллил кьулдугьрал генерал-майор Андрей Поляковлул. Ванашал архIал пресс-конференциялий гьуртту хьунни ДР-лул промышленностьрал ва машлул министр Низам Халилов. Миннал бусунни цалла цацIу дурсса давурттая.

ХIасан АБДИЛОВ

Андрей Поляковлул тIимунийну, дукIунна шиннай Дагъусттаннай бартдигьлай бур дуснакъ бунми зунсса, тарбия байсса идарартту (исправительные центры) буллалисса цалчинсса проект.

«ХьхьичIва республикалий дуснакълултал давурттал дузал буван бюхълай бакъая, мунияту судрал танмихI кьувкъусса дагъусттанлултал тIайла буккайсса бивкIссар билятрал цайми регионнай», утти тагьар даххана хьунни», – кунни генералнал.

Ванал бусаврийну, дуснакълултал тарбия байсса идарартту буну, аьркиндугьралгу дузал

буну бур Кьизилпортлив. Микку цIанасса ппурттуву бур 75 инсаннансса кIану, мартрай тIурча, бикIантIий бур сайки 100 кIану. Гьашину апрельданий тIитIин тIий бур мукунсса 75 кIану бусса идара Каспийскалал стекловолокнулул заводрай ва цамургу – Дагестанские-огни шагьрулий «Дагестан Стекло Тара» заводрай, микку бикIантIий бур 78 инсаннансса кIану.

Пресс-конференциялий гьуртту хьуминнал бусмунийну, цIуну бусса идарарттай дузал дурну дур дуснакълултал ялапар хьанансса ва захIмат буллансса цинярда шартIру, миннал ласайсса бур 1 МРОТ-раяр чан бакъасса харжругу.

Сергей Меликов: «Жу даингу буссару зул кьумашиврул чIарав»

Дагъусттаннал БакIчи Сергей Меликов хьунаавкъунни хасъсса аьралай операциялий ливтIусса дагъусттанлултурал кулпатиртташал.

Зулайхат ТАХАКЪАЕВА

Мероприятие дайдишин хьхьичI Республикалул БакIчинал тIутIив дирхьунни ливтIусса талаталтрал суратирттал хьхьичI.

– Хьуннасса кьурчIишивугу кIидачлай, дакIнийхтуну жижара буллау ура зухь. Жунма захIматну бур ва кьурчIишиву

духIан, амма гьантлия гьантлийн бувчIлай бур, жула язими, ватанлултал ватандалул дазурду дуручаврил цIаний бивкIулийн лажинну кьабавцIуссания, ливтIуминнал аьдад лапра хьуннасса хьун тIий диркIшиву, – увкунни С. Меликовлул.

Республикалул БакIчинал кIицI лавгунни гихунмайгу бацIлан тIий бушиву властьрал ор-

ганну ватан дуручлачиминнал кулпатирттал чIарав.

ДР-лул захIматрал ва соцразвитиялул министр Мурад Казиевлул ва республикалул аьралай комиссар Даитбаг Мустапаевлул бусунни кьулдугьрал бурж биттур буллау ливтIусса аьралитурал кулпатирттан кумагран цукунсса чаранну ляхьлай буссарив республикалул ва федерал даражалый.

Республикалул муниципалитетирттал каялувчитурал цIания Казбековский райондалул БакIчи ХIажимурад Мусаевлул жижара бунни хасъсса аьралай операциялий ливтIуминнал нитти-буттахаьхь, шахъаннихь.

Муния махь Сергей Меликовлул, ливтIуминнал кулпатирттал тавакьюрдах вичIи дирхьуну, властьрал органнайн тапшур бунни ми ххал бигьин.

ЧIалну аьлтту хьусса награда



Ларгсса ххулдункьини МахIачкьала шагьрулул 46-мур школалий хьунни Чувшиврул ордендалун лайкь хьусса Марат Молчановлул аьпалул хас дурсса мероприятие.

Марат Молчановлул чувшиврий жан дуллуну дур Чачаннал республикалийсса дяъвилул иширттаву. Ва ивкIуну ур 2000 шинал февраль зурул 11-нийн кьачагьтурайнсса данди ацIавриву, цала аьралай гьалмахтурал оьрмурду ххассал буллау унува, миналий пIякь куну. КIива гьантлува, февраль зурул 13-нийн, Маратлул оьрмулул 19 шин бартлаглагисса кьини, бавну бур ванал ниттин Наталья Молчанован цуппа ца акъакъасса арснацIа хьушиву.

Аьрасатнал Президент Владимир Путиннул Указрайн буну, Марат Молчановлул дуллуну диркIун дур Чувшиврул орден. Амма документирттай М-лун кIанай В багьну, Молчановлуя хьуну ур Волчанов, мукун дакьа хьуну диркIун дур Чувшиврул орден.

Ниттин ялагу кIул кьавхьунува личIанссия арснал паччахIлугьрал награда дуллуну душиву, агарда Молчановлул дело хаварбакъулий МахIачкьалалал аьралай частьрайн бакIрайн кьадагьссания. Гикку аьлтту хьуну бур наградалул документирттай даякьаву хьуну душиву. ИвкIуну ацIиния мййра шин ларгун махь Ухссавнил Ккавказнал Федерал округрайсса полпред Александр Бортниковлул ва танисса Дагъусттаннал БакIчи Владимир Васильевлул дуллуну дур виричунал ниттихьхьун Маратлул награда.

Орден цIана ядуллау бур школалул музейраву. 2020 шинал февраль зурул 13-нийн, Марат увсса кьини, школалул дирзун дур ванал цIа.

Мероприятие дайдишин хьхьичI хьамалурал тIутIив дирхьуну кьулдугьрал бурж биттур



Марат Молчанов

буллау жан дуллусса дагъусттанчунал аьпалул улттул хьхьичI.

Яла ххал дуруна школалул жанахIравусса Молчановлул суратирттал галерея. Аьрасатнал Нашвардиялул аьралуннал 102-мур бригадалул оркестранул дурцуна макъанну. Муния тиннайсса мероприятие дия актовый залданува.

Кьучагьсса талатала дакIнийн утан бувкIун бия Дагъусттан Республикалул БакIчинал хьиривчу Шамил Аьлиев, миллатирттал политикалул ва диндалул иширттал министрнал хьиривчу Арсен МахIмудов, Росгвардиялул МахIачкьалалал батальондалул командир Константин Юрьев, «Сила матерей» тIисса ккуралдалул вакилтал, Марат Молчановлул аьрал дуклай бивкIми ва гьалмахтал.

– Жул школалий тачIав бухкъалагантIиссар Марат Молчановлул аьпа, жу муная буслантIиссару никирая никирайн, шалагу Дагъусттаннал ва Аьрасатнал муная баяншиврул, – увкунна школалул директор ПагIимат Шуганбовал.

Шамил Аьлиевлул Республи-

калул БакIчи Сергей Меликовлул цIания барчаллагь увкуну виричунал ниттихь Наталья Молчановахь, кьучагьсса ва чумартсса чув тарбия аврихлу. Ванал аьпа ябуллау бушиврухлу барчаллагь увкуну 46-мур школалул каялувчитурахь ва педагогтурахь.

Арсен МахIмудовлул кIицI ларгуна Марат Молчановлул инсаншиврул касият – аьралай гьалмахтурал оьрмурду буруччин, цала жагьилсса жан хIайп кьакуну, бивкIуллул хьхьичIун хьяхьсса.

Украиннал аьршарай нанисса хасъсса аьралай операциялий чувшиврий жан дуллусса Аьрасатнал Виричу НурмаIаммад ХIажимаIаммадовлул нитти Сапигат Мазаевал кIицI лавгуна Маратлул нину Наталья Николаевна хьанай бушиву ниттихьансса чувшиврул ва кьанкьашиврул эьратну.

Наталья Молчанова, мукьал бувцIусса яругу лабитлай, барчаллагь тIий бия арснал аьпа буручлачиминнахь, арс дакIнийн утан бувкIминнахь.

– Ттул арснал, я тарг чин кьабуну, цалла жан харж дурссар жува цинявппа дакьаву дусса аьршарай ялапар хьананшиврул. Барчаллагь аьпа буручлай бушиврухлу! Аьпа абадсса кьса уттану личIлачIиссар ттул арсгу, – увкунни ванил.

Дуклаки оьрчIал шаллу бунна вирттаврахасса шеьрирду ва байлрду, патриот зумунсса балайрдахунсса кьавтIавуртту. Ккаккан бунуна Маратлул оьрмулиясса инценировкаду. Марат дакIнийн утлагисса видеороликру ган буну бия хIакьину Украиннал аьршарай хасъсса аьралай операциялувух гьурттусса ванал дустурал.

Мероприятие кьуртал хьуну ца минутрайсса пахь багъаврийну.

Муртазал оьрмугу, цала хасиятрацун бавкъусса, ихтияр дуручай органнал зузалал пишалуцун бавкъусса бивкун бур. Украиннаву хасъсса аьралий операция байбивхъусса чумал ва, ччаннай операция буну, азарханалий ивкун ур. Цашала архал къуллугъ буллалими тихун бачлачийни Муртаза, хъин хъун уванува, миннашчал гъан ччай ивкун ур. ХАкинтурал итакъавкъуну ур. Азарханалия уккайтху, на ттула гьалмахтурашал икИан аьркинсара тий, ацИан ан къавхъуну, лавгун ур.

Муртаза увну ур 1979 шинал, май зурул 18-ний, Цуссалакрал райондалийсса Шушиннал шяраву. Хасавюртулал 1-мур школагу къуртал буну, лавгун ур аьралуннаву къуллугъ буллан. Аьралий бурж лавхъун махъ бивкуну бур милицанал школа. Мукунма ванал къуртал буну бур Дагъусттаннал шяраваллил хозияствалул институтрал юриспруденциялул факультет.

2002 шиная айивхъуну зий ивкун ур Росгвардиялул Управлениелул «Ястреб-Каспий» СОБРданул къюкълугу. Шикку зузисса 20-хъул шиннардий ванал лайкъ дурну дур Аьрасатналгу, Дагъусттанналгу даражалийсса ведомствалул наградартту.

2022 шинал сентябрь зуруй, Запорожулал областьрай Дагъусттаннал Росгвардиялул аьралитурал пункт бусса КИанттурдайн ракетарттал битавуртту дурну, подразделениялул мийа аьраличу, миннавух Муртазагу, оьрмурдаца хъуну ур. Аьрасатнал Президент Владимир Путиннул указрайн буну, аьпалул хъуну махъ Муртаза Султановлун дулуну дур Паччахьлуьгьрал ларайсса награда – «Къучагъшиврул орден». Муртазал орден ниттибуттахъхъун дулун Цуссалакрал райондалийсса Шушиннал шяравун бивкиссия Сергей Меликов ва Дагъусттаннал Росгвардиялул Управлениялул хъунама Александр Орехов.

– Захьматсса хавар ттухъ бусан къасислай бивкун бур. Лагмайттуминнан куну бивкун бур. ТИайламур бусан, ттун шаквагу багълай бакъая. Царагу кьини къаларгуна ва тихун лавгун махъ, ттуцИан къаовкъусса. Ттул зузи кьини танашалсса кутИасса ихтилатрая дайдишайва. Мунияту танан цичИав хъунссар тИисса цахвагу бакъая ттуву, – тий, буслай бур Цуссалакрал райондалул МФЦ-лул директорну зузисса ванал кулпат Динара.

– Жул кИива оьрчИ буссар.

Жула вирттал

«Къаласун ххива ттун ва цIаралгу»

Украиннал аьршарай нанисса хасъсса операциялуву, аьралий бурж биттур буллай, чувшиврий жанну дуллунни миллатрал язи-язими аьсурвавлал. Миннавасса ца ур Цуссалакрал райондалийсса Шушиннал шяравасса Русланнул арс Султанов Муртаза. Ванал жан дуллуну дур оьрмулдул 43 шинаву. Муртазал махъ ливчун бур бугьарасса нину-пну, кулпат, арс ва душ.



Муртаза Султанов

Душ, Муртаза тийх унува, Дагъусттаннал медициналул университетравун бивхссия. ОьрчИ ряххилчинмур классраву дуклай уссар. ЧалачИин дакъассия вайннан буттаха. Нава цахъи къянкъасса тIалавшинна дуну тарбия буллан бивкИайссияв. Амма, ссавурданий, нахИуну бивчИин байсса буттал мукъул сий хъуннасса дия вайнначIа. Ва чIарав акъашиву жун ялу-ялун асар хъанансар.

ОьрчИан ппу цуксса ххирассарив кIулну, ттун хъинну захьматну бия вайннахъ му хавар бусан. Сикъаслай гъантри хъуна. Та тиха увцуну бучИантИисса кьини арснахъ учав: «Ттун вишал ихтилат бан аьркинну бур», – куну. Шак багъссияв, оьрчИал най бунува буттая цIувххуна. Къянкъа дува, ттул арс, – куну, ххира ав. «Ттун бивчИлай бия укун хъунтIишиву», – тий, аьтIун ивкIуна.

Та иш хъунсса гъантрай тIаьпалухъхъун лавгсса ттула ппу макIра ккавккуна, цува-

гу, ттарлил мурхьирал къаркъсса къартрал бакIулуну ахьлавгун, ххуйну къачIалай. Муртаза я ливтIуминнавух, я шавурду дирминнавух къаляхълай гъантри хъуну бия.

Ва ниьгачIаву дусса чIявусса иширттава увкссия, тиччагу уккансса ххай буссияв. Дагъусттаннал виваллил иширттал министр Аьдилгарай МахьаммадтIаьгиров оьрмулуца ан къаст лархIусса иширттаву танал къаралданува къуллугъ буллай ивкIсса Муртаза чIарав ивкIсар, Аллагьнал цимилийну урувчухъунссия.

Жу цаннан ца бивчIлачИисса, цаннал хIурмат цаннал буллалисса кулпат бияв. Цайми кулпатирттаву кунна, цаннал цаннан бахшишру дайсса аьдат жул дакъассия. Ванинна кунна, на бивсса кьинилийн тиха бахшишран, ссят гъан дурну дия. Хъамакъабитулун ттул каний ва ссятгу къадиртун, цувама лавгунни, – хъюв-



Ниттищал



Кулпатрал дянив



сул буклай бур Динара.

– Аллагьнал ца нуз лакьирчан, гамур чара бакъа титИайссар учай. Ва захьматсса кьини дурксса чIумал ттул чIарав бия ласнал ляхьингу, ттула гъан-маччамигу. Барчаллагьрай бура, ттуятува

Уссу ХIажинашчал

тийнмай-шийнмай къавхъуну, ттул дакI данмур буллай, чIарав бавцIусса мачча-гъанминнайн.

Андрiana Аьбдуллаева
Имара САИДОВА

Ухсавнил Ккавкказулал округрал национал гвардиялул аьралуннал командуюший генерал-полковник Сергей Захаровлул шадлугьрал даражалий буллунни Росгвардиялул Аьралий ттугъ МахIачкъалалал соединениялул командир генерал-майор Дмитрий Чистяковлухъхъун. Мероприятие хъунни МахIачкъалалалал соединениялул базалий.

Андрiana Аьбдуллаева

Сергей Захаровлул барча бунни подразделениялул зузалт дакИний личИансса иширашчал ва чIа увкунни къуллугьрал ххулий тIайлабацIуртту.

– Аьралий ттугъ – му къу-

Жула Росгвардия

Аьралий ттугъ буллунни



чагъшиврул ва яхIирал лишанни. Буттал буттахъая шихунмай

ттугъ гъаз буну ккаккан дуллай бивкIссар аьралитал цала къя-

къашиву, къучагъшиву. Зул подразделениялул авадансса тарих

бур. Дур тарихравун дагъсса, никирая никирайн нанисса аьдарту. КИицI лаган ччива, бригадалул аьралитурал лайкъну бартибгьлай бушиву цала къуллугьрал буржру, – увкунни ванал.

«Национал гвардиялул аьралий ттугъ лайкъ баву – му пахру бан бучИисса ишри. Жу утиния тихунмайгу хIарачат буллантИиссару жуйнна дурксса вихшала лайкъ дан», – увкунни Дмитрий Чистяковлул.

Мероприятиялул лагрулий Сергей Захаровлул дуллунни аьралитурал «За заслуги перед Отечеством» 2-мур даражалул ордендалул медаль ва «Участнику специальной военной операции» тИисса ведомствалул медаллу.

Ккуллал райондалия Авгъан дъявви байлитаврин хасну

Чйиннал Шяраваллил магьирлугърал къатраву февраль зурул 15-нний хъусса мероприятие дия Совет аьрал Августаннава буккан бувсса кьинилун хас дурсса. Магьирлугърал къатраву хласул буну бия Августан дъявилун хас бувсса мурулу.



Имара САИДОВА

Ихтилат бунни мероприятиялул сиптачи ва сакиншинна-

чи, Чйиннал Магьирлугърал къатлул хъунмур Салихат Алхасовал. Ванил бувсунни Августаннал дъявилый интернаци-

онал бурж биттур бан кьисмат хушиву Чйиннал шяравасса арула жагьилнан: Аьлил Аьлиловлун, Кьади Кьадиевлун, Лачин АхИмадовлун, Амин Пидурьевлун, Хусайн Рабадановлун, Жамалуттин Багьовлун ва А-басир Маммедовлун.

Салихатлул мукунна КИЦ ларгунни та дъявилый жула саллатИнал дурсса къучагъшивуртту, даКинийн бивчунни дъявилый жанну дуллуми.

– Та дъявилый жанну дуллуссар 15 азарунния ливчусса совет инсантурал. 1989 шинал февраль зурул 15-нний Августаннал аьршарая дуркссар махъра-махъсса совет аьралуннал кьюкьа. 2010 шиная шихуннай цАкъ хъуссар Интернационалистътал даКинийн бичайсса кьини, – увкунни Салихат Алхасовал.

Мероприятиялий дуклаки оьрчАшчал хунаавкъунни Чехословакиянал дъявилул иширттал гьурттучи Илдар МахИаммадов.

Шикку ихтилатру бунми бия дъявилул чу чувчАв къабаяннав тИий.

Ахирданий дуклаки оьрчАшчал риршунни даКиний личИансса суратру.

Ххувшаврийн умудрай

Уттигъанну Чйиннал жяматрал шадлугърал тагъарданий хунаавкъунни Украиннайсса хасъсса аьршарая операциялул гьурттучи, контрактник, хунама сержант Кьубатаев МахИаммад ХИабидуллагул арс. Ва цалчинсса гьантрайва ур Украиннал аьршарай.



МахИаммад Кьубатаев

Ванан хас дурсса батIаву хьунни СССР-данул Виричу Шаххай Маккаевлул гьалкалданучА. Шиккун бавтIун бия гьан-маччами, дултал, лагма-ялттуса шархьал агьлу.

Махъру лахълай, аьрличунахь барчаллагъ увкунни Чйиннал шяраваллил советрал бакIчи МахИаммад Билаловлул, Ветерантурал советрал председатель МахИаммад Апанниевлул, школул директор Альбина ХИаммакуевал.

Цала ученикная пахрулийсса махълавхуна ОБЖ-лул учитель Аслан Рамазановлул ва цайминнал. Ккуллал райондалул администрациялул чулуха МахИаммадул ниттибуттахь ва ванал ЧIарав бацIан бавтIириннахь барчаллагъ увкунна Юсуп Исаковлул:

– Барчаллагъ зун увкунсса арс тарбия аврихлу, ванал виричүшиврийнур, къанкъашиврийнур, вас-щах бакъашиврийнур жунна някIсса ссав ккаклакисса. Ва кунмасса аьралиталли цанагу дуниялий паракъатшиву дуручлай бусса. Я Аллагъ, гьарцагу нину увкунсса хунабакъавурттал хари дулланнав, цIуллуну, сагъну арсру ичIунмай зана бикIланнав.

Дуклаки оьрчАл хIадур дурну дия хъун дакъасса программа, вайннал дурккуна дъявилухасса дюххансса назмурду, увкуна ба-лайрду.

Ахирданий МахИаммадул барчаллагъ увкуна цува хунаакьин бавтIириннахь.

ХIадур бувссар
А. АХИМАДОВАЛ

А. АХИМАДОВА

Аня буну бур 1992 шинал Ккуллал шяраву Юсуплул ва Наидал кулпатраву. Цила мурад бартлаганшиврул, ванал дуккавирхсса бургаву дуркIун дур даКинийхгунусса. 2009 шинал Анял мусил медальданий къуртал буну бур буттал шяраву 1-мур школа. Дуклан буххангу язи бувгуну бур Москваулал паччахIлугърал миллатирттал ххал бигъавурттал медициналул университет. Университетраву Анял ккаккан дурну дур цила кIулшиву, чялишну гьуртту шайсса бивкIун бур дуккавил иширттавух. 2017-ку шинал университетту къуртал буну, Аьрасатнал Халкъуннал дусшиврул медициналул институтраву 2 шинай ординатураллий, яла шивура 4 зуруйсса УЗИ бишаврил къяйдардугу лархъбуну, хъуну бур акушер-гинеколог.

Дуклай бунува, Аня шар хъуну бур цала шяравачу Аьбдуллул, кIия арс увну, декретрай цаппара шинну дурну дур. ХIалу дагъну, «Земский доктор» программаллий Ккуллал райондалул азарханаллий зун бивкIун бур.

– На 2021 шиная шийнмай райондалул азарханаллий акушер-гинекологну ва муниципал поликлиналул каялувчинугу зий бура. Зунттал хъами ссавур ду-

«Цуллусса хъамитайпа аргъиравусса тIутIир»

Школалий дуклакини цума-цаннагу хиял бикIай даКинийн ччисса пишалул заллу хъунсса. Инсантурал оьрмурдацIун бавхIусса, цалами мурадру махъун бивтун, цайминналсса буллалисса пиша язи бугълагъима тIурча, икIан багъайхъунсар чил кьюву цаламурну къамул дуван бюхъайсса. ЧивинияцIава инсантал хъин буллан, хIакин хъунсса гьирарай бивкIун бур Кьубатаева Аня Юсуплул душгу.



Аня Кьубатаева

сса, тIабиаьтрайва къанкъасса бувшиву кIулссия, амма къашайшиврул чулуха ссавурданий бацIаву, шанийн багъанца къанкъа дуллаву ттунна тIааьн къадизай. Даврил агъаммур бутIарив лякьлуву хъусса ниттихьацIун бавхIусса

бур. Вай учетрай бивхъуну, ниттил ва оьрчАл цIуллу-сагъшиврул къаралданий буссару жу. Мукунна шархъаясса къашайшиву дурсса цумур-цагу хъамитайпа къамул байссар, давурттай зузисса, медициналул комиссия буллалимигу жучIан бучIайссар. Гьарца шяраву буссар фельдшер-акушертурал пунктру, хIакиннацIун бавхIуну буссар медсестрахъул. Агарда шархъай анаварсса кумаг аьркинсса хъамитайпа бухъурча, жучIан баян байссар. Гьарца зурул тIурча, шяраваллавусса ФАП-дал жучIан отчет диян дайссар пачIарасса тагъардания.

Анял бусаврийн буну, цахъис дунугу къашайшиву дакъасса хъамитайпа къабикIай, амма цанансса чIумал хъанний хъазамрал къашайшивуртту ялтгуну дур. Поликлинакалий уттизаманнул аппарат-маммограф бушиврийн буну, даву цуксагу бигъа хъуну дур. ХъхичIра ккаккан дурсса ди-

агноз, цал МахIачкъалалийн, яла Москвалийн тIайла дуклай, аварасса иш бикIайва тIий бур.

– Махъсса спурттуву чIавуссаннай ялун лирчунни хъазамравусса дурухлулул къашайшиву (фиброма молочной железы). Ва кIул дан бишайссар УЗИ, дайссар маммография, ласайссар анализу. Сант дунура, наняра зулла цIуллу-сагъшиву ххал дуван тIий, буцин къашай. Гужрай тIиний кунма ххал бан багъай. Ва бур паччахIлугърал поликлиника, гьарзат украссар, шагъурдайн лавгун, диялсса арцугу харж дурну бучIай, канилува хIакинтал бунува. Хъунисса шагъурдайгума къашайшала ца кьини шаллу къаайссар, жучIарив бюхъайссар, анализуру, УЗИгу бивхъуну, дузал хъун. Агарда жучIара къадайсса анализу духъурча направление дулайссар, захIматсса операциярду, жушаван бан бюхълай бунугу, къабучIи буллай бур. Хъхугу, кьинигу зузисса реанимация бакъахъувкун, гьан байссар шагърулийн.

Хъазамрал къашайшиву райондалий дакъассагу, шалагу Аьрасатнаву хъхичI ххуттай дур. Аня Юсуповнал буслай, му сукку шайсса дур хъазамраву хъусса чан-къансса дурухлулия (мастопатия), най дунура хъин къадуварча, оьдаккайсса дур. – Ва къашайшиву шар хъусса хъамитайпаллийри дикIайсса тIун бикIай, му шалава тIайласса зат бакъар, цуксса чIалну шар хъурилу душру, мук-

сса къашайшивуртту ялун личлан дикIайссар. Азарданун личIишиву дакъассар, цIуллу-сагъшиврул ялув къабавцIусса цумур-цагу хъамитайпаллий хъун бюхъайссар, – тIий бур хIакин.

– Цана шяраваллаву жагьилсса кулпатру бацIлай бакъар. ОьрчIру баврил тагъаргу хъхичIара куннасса дакъар. ЖучIа учетрай буссар лякьлуву бусса 30-сса хъамитайпа. Вайннах хъуннасса къулагъас ва аякъа дуссар. Вайнна-яр хъар хъанахъисса лякьлувусса оьрчАл цIуллу-цакъшиву, ци-бунугу хурча, аьй жуири дикIантIисса, – тIий бур Аня.

Исвагъисса, пахру-ххара бакъасса Аня коллективравугу, жяматравугу хIурмат буну бур. Цила даврил кьютIшивуртту хуийну кIулсса, хъамитайпалул психологиялул хьиривлавсса, жагьилсса, давриву уттизаманнул къяйдарду кIулсса хIакин лагмаминнан ххиранугу, къиматрайгу бур. ИчIувагу кулпатра язисса ласгу, ниттия ххарисса арсругу ЧIарав бур. Чан бакъассар Аня хъал къушийн буху-буккугу, мачаляхъингу, чIаххув-чIарахмигу.

Ци маслихат бавияв зунттал хъаннин учайхту, Анял увкунни:

– Нач къадурну, шинай цал хъаннил хIакиннайн буккаву, хъхичIра хъхичI зулла цIуллу-сагъшиву дуроччаву. Цуллусса хъамитайпа аргъиравусса тIутIир, дуроччара зулла цIуллушиву ва ххуйшиву.

Ларгсса бигъалагай кьини Ваччав шалва цу буккан бувсса мизит тIитIлатIисса мероприятие хъунни.

П. РАМАЗАНОВА

Ва даврил сиптачиталну бия Ккуллал райондалул имам МухИаммад-Маннар Бариев ва Ваччав шяраваллил имам АхИмад Рамазанов. Мажлисрал дайдиху дуруна Кьурандалул аятирттая. ХIурмат лавайсса хIапизтурайну оьвкуну бия мероприятиялий гьурттушинна дуван. Миннаватусса ца ия Яманинавасса хъамаличу – Ибрагьим АхИмад аз-Зубаджи, цувагу 10 шинавусса арснашчал увкIун ия. Оьрус мазу ххуйну кIулсса ванал арсна-

Ваччав цIу буккан бунни мизит



Сурат А. Сулаймановлул

шал ккаккан бунна сценагу. Ларкрал райондалул имам МухИаммад Ссаламовлулгу, агъали барча буллай, КИЦ лавгуна мизит баву чирилунсса даву душиву, барчаллагъ увкуна ва бусравсса даву дуван бутIа бивхъуцириннахь.

Мероприятиялул ахирданий Барчаллагърал чагъар буллаллишиву баян бунна мизит цIу буккан баврил сиптачи ва спонсор Кьурбанов Давдин (инжитну уну, ванаща мероприятиялийн учIан къавхъуну бия).

Вара кьини Яманинавасса хъамаличу АхИмад аз-Зубаджи ва МухИаммад Ссаламов бивуна аьлимчу-динчи АхИмад Яманинал Гьумуксса зияратрайнугу.

Цуссалакрал райондалия Газ буцаврил даву сантирайн рутан

Вай гъантрай Цуссалакрал райондалул бакIчинал бигарду биттур буллалисса Сулайман Рамазановлул каялувшиндарай райондалий газ кьабувцуну бивIсса шархъавусса кьатрачIан уквa газ буцинсса программалул масъалартту ххал бигълагьисса совещание хьунни.



Шикку гьуртту хьунни райондалул шярваллал бакIчитал ва газрал отраслирдай зузисса пишакартал. Вайннал ххал диргьунни газ буцаврил программа иширайну зузи даврил тагъар ва райондалул газрал отраслилул даву антирайн рутаврил масъалартту. КIицI ларгунни райондалул шархъавусса цаппара Цусса КIичIирттаву ва программа иширайну зузи давринсса дайшишурду. Мукунна КIицI ларгунни шархъавусса газрал сетъру дух хьуну душивугу.

Сулайман Рамазановлул цала хьиривчу Султан ХIамзаевлушал ва шярваллал администрациярттал бакIчитурашал ххал диргьунни шархъавусса газрал сетрал тагъар.

– Газрал сетърай аьлтту хьусса цинярда диялдакъашивуртту духлаган давриха цинявппа цацIуну зун аьркинссару. Утинин салкь хьуну бивIсса масъалартту, ялув бавIцуну, шаллу бан аьркинсса бур. Социал газификациялул хIакъиравусса

цусса программалийн буну, инсантурал кьатрачIан биянин уквa газ буцин бюхълай бур. Газрал сетъру низамрайн дуцаврил хIакъираву кумаг аьркинсса КIантурду хьурчан, арцуйнугу, цамур кушцуйнугу чIарав бацIан хIадурну буссар райондалул администрация, – увкунни райондалул бакIчинал.

Мукунма совещаниялул гьурттучитурал КIицI лавгунни райондалул агъалинал ишла бувсса газрахсса багъа булаврил даву низамрайн рутан багълай бушивугу.

КIулну бикIаншиврул, социал газификация – му дур цусса проект, Аьрасатнал Президентнал тIалавшиннарайн буну шалагу билаятрай иширайну зузи дурсса. Инсантурал кьатри бусса КIантурдайн биянин ва проектрал лагрулий хIукуматрал уквa буцлай бур газ. Так аьркинну бур цала участокрайн бивну махъ кьатравун газ буцинсса проектрав ва оборудование машин лаврихсса багъа булун.

Аьралитурал кулпатирттал газрахсса буржру лавхъунни



Цуссалакрал райондалий мобилизовать бувсса аьралитурал урчIва кулпатрал ишла буллай бивIсса газрахсса бурж лавхъунни.

Вай кулпатирттал ишла бувсса газрах салкь хьусса 150 азарда кьуруш дулун цала бакIрайн лавсунни райондалул админи-

страциялул бакIчи Сулайман Рамазановлул.

Ванал тIалавшиннарайн буну, урчIвагу кулпатрачIан диян дунни газрах багъа булушиву тасттикъ буллалисса квитанцияртту.

Цахара дурсса аякъа асар хьусса кулпатирттал дакIнийхтунусса барчалагъ баян бунни муниципалитетрал каялувшиндарайн.

Цуссалакрал райондалул КIулшивуртту дулаврил идарартту гьуртту хьунни «Вирттаврал симан» тIисса патриот проектравух. Ва проектрал мурад бур Буттал КIанттул цанийсса Хьунмасса дьявилулу гьуртту хьуну, чувшивуртту ккаккан дурминная, дьявилулу иширттаву гьуртту хьуминная, захIматрал ветерантурая КIулну, тарихрал кьимат буну, патриот зумуну жагьилтал тарбия баву.

КIулшивуртту дулаврил идарарттал чIирттайн лахъан дунни Ватандалул тарихраву шарду яргну кьариттесса, оьрмулул ва захIматрал ххуллу лайкьну бивтесса инсантурал суратру ва минная бусласисса баннерду.

Вирттавраясса информацияртту бусса школарттал кьа-



тIухсса чIирттай бур мобильный телефоннансса QR-код. Мунил кумаграйн дулкаки оьрчIаша бюхълай бур, официал порталданийн бувххун, Виричувнаясса гьарта-гьарзасса информация КIул бан.

Шиккува КIицI лаган, жагьилсса ник патриот зумуну тарбия даврил цакъсса гьануну хьанхьиссар билаятрал тарихрал ва Вирттаврал чувшивурттал кьадру-кьимат бушиву.

ОьрчIал ссайгъатру бивунни

Цуссалакрал райондалул КIулшивуртту дулаврил идарарттал жьаматийсса суккушиндарал активистьтурал ва юнармейцынал чялишсса гьурттушинна дуллай бур Украиннал аьршарай нанисса хасъсса операциялулу лайкьсса даражалий цала бурж биттур буллалисса аьралитурал цанийсса акциярттавух.

Ва ххуллух ЦуссачIуртташциял школалул ва Цуссалакрал гимназиялул дулкаки оьрчIру гьуртту хьунни «Посылка солдату» ва «Письмо солдату» тIисса акциярттавух. Посылкартту ва чагъарду бивну махъ, операция нанисса зоналий гьуртту хьанхьисса «Юнармия» тIисса Шалагу Аьрасатнал оьрчIал ва

чIава жагьилтурал аьралийпатриот суккушиндарал хьунама Жавдин Жамиевлул, видеосвязьрайн увкун, барчалагъ баян бунни райондалул дулкаки оьрчIайн.

Шиккува КIицI лаган, Цуссалакрал райондалул КIулшивуртту дулаврил идарарттал каялувчитал мундангу чялишну



Жавдин Жамиев гьуртту хьанай буссар вай акциярттавух.



Бадави ХIасанов ва Мурад МирзахIажиев

ХьхьичIунсса тренерну ккалли унни

Вай гъантрай Цуссалакрал райондалийсса Чапаево шяравасса тренер-спортсмен Бадави ХIасановлуин барчалагъ баян бунни лавайсса даражалул спортсментал хIадур баврихлу.

Бадави ХIасановлуин Барчалагърал чагъар тапшур бан бувкIун бия МахIачкъала шагърулул Спортрал, туризмалул ва жагьилтурашалсса даврил управлениялул хьунама Мурад МирзахIажиев.

– «Тренер года по СБИ

ММА» тIисса спортрал титулдунун лайкь шаву – му ттул даврин бишлашисса лавайсса кьиматри. Ттула командалушал уттигу хьиннува хIарачат буллану республикалул цIа бюхттул дансса спортсментал хIадур буллан, – увкунни Бадави ХIасановлул.

ХьхьичIунсса кIану

Февраль зурул 10-нийн хIасиллу дунни Дагъусттаннал паччахIдугърал педагогикалул университетраву дулкаки оьрчIал дянив хьуну диркIсса оьрус мазрал ва литературалул олимпиадалул.

Шикку 9-11-ми классирттал дулкаки оьрчIан ккаккан дурну дия дулкаврил программалувацца чичрулийнуса заданияртту дан. Му бакъассагу, жавабру дулун багълай бия чичуртал, шаэртурал биографиярттал, литературалул тарихрал хIакъиравусса суаллахъхьун. Олимпиада дия 5 сьятрал муталийсса.

Ваний гьуртту хьунни республикалул шагърурдайсса ва районнайсса олимпиадарттай лавайсса баллу лавьсса дулкаки оьрчIру.

Ва олимпиадалий хьхьичIунсса КIану бувгьунни Шуминалийсса Цуссалакрал гимназиялул 11-мур классрал дулкаки душ Сапижат Рамазановал.



Сапижат Рамазанова Лажин хIадур дурссар Имара САИДОВАЛ

Цулла-сагъшивруцунсса ххуллурду

Хьхьирихсса ччаврил мачча бувми

Залму АБДУРАХИМАНОВА

«Дагъусттан спортсмен-турал республика дур» увкукун, цайми клантурдай яхъанахьминнан ххан биклай-хъунссар жула шикку так цавай лачунбуккулт ва боксертал бакъа ялапар къахъанахьсса. Ккаккан хъина миннан гьарца кьини кюрххила Махачкъалаллал шагьрулул пляжрайрайсса шютюкьютю!

Ки, гьи, дяркъу, буран къаувкуну, хъуншагьрулул хьхьирисса паркрал чулухунмай цан-чаннаву нех дирхьуну буссар халкъ най.

Хьхьирисс турча, пишакар-сса спортсментал бакъасса, зун хъунабакьинтиссар ва шагьрулий бур кусса, ца дуркссагу, дахъва байбихълахьссагу хлакинтал, аьлимтал, строительтал, ишбажаранчитал, учительтал ва цаймигу личи-личисса пишардал залухъру. Кув волейболданий бучлай, кувгу, цавунма цивппа лавгун, йогалул упражнениертту булай, кув ттурниерттайин лахълай, кув кьундалихъ лечлай, кувгу километрадлу манзилданул ритлай, буттахащал бувкисса 4-5 шинавусса чивитултрая тлайла хъуну, душнил ягу арснал арснашал увксса 80-хъул шинну хъусса хъунамяммай бияннин. Цуцлав акъассар кюрххила хьхьирисс, ци зунсарив къакълуну, пахъ агьну. Спортрацун бавхуми мурадлу биттур бувкун, самовардугу дирзун, ххуйсса чъий дуллаи сукку хъуссагу чан бакъассар. Цумур-цагу байран ягу акция дусса ппурттувугу, лякьинтиссар хъунисса къазанугу бивзун, узбакнал пулав буллалимигу.

Хласил, хьхьирил гьавалул, гиккусса тлааншиврул «ттуву цичлав гьунар бакъассар» тимагу, цичлана клунку увну, «ххираххуй» увну, цила аякъалийн ласунтиссар. Киул бантиссар цусса дустурацал ва цакъ бантиссар дусшиврул ламурду.

Нажагъ зувагу хьхьирисс зананну тисса пикрилушал бучларчан, ххал хьунтиссар, февральданул замгьарданухгу къабурувгун, хьхьирил щинал хлал ххал бан нигъа къабусайсса хъамичиваркгу. Вайннал цайна учай «моржру» куну.

Кюрххила хьхьирил гьава бюкъан бувкминнавух чансса къабиклай, на кунма, так ца бигъалагай кьинирдай бакъа бучлан къашайссагу. Ци бухурчагу, хьхьирисса кюрххилсса атмосфералул, гиккусса суккушиндарал цал увкмагу ясир къаувну къаитай. Яла-ялагу, цирив ца бурж вийва бусса кунма, гьарца ххуллун, алхлаткьини даки гиккун клунку тун диклай.

Хьхьирил кюрххиссунсса минхуртуравух чансса къабиклайсса ххай бура жула «Илчилул» бучкулугу. Гикку заназин дуллаи, тиху-шихунмай манзил битлатийни, чявуну вичахух бишлан биклай лакку мазрайсса ихтилатругу. «Гьа, вайгу жула лак буну хъинача!» куну, дакигу ххари шай, бувагу къакълусса халкъуннаясса пахрулул.

Пахру шай, хьхьирисс гьарца кьини бучлайсса жула лакку душру ххал хъувкуну. Цанни-



Замира киях

Нажагъ зувагу хьхьирисс зананну тисса пикрилушал бучларчан, ххал хьунтиссар, февральданул замгьарданухгу къабурувгун, хьхьирил щинал хлал ххал бан нигъа къабусайсса хъамичиваркгу. Вайннал цайна учай «моржру» куну.

яр ца ххуйсса, дакиру тиртисса, ци хавар сукку барчагу, мяна-мурадрайсса ихтилат бан клулсса, ххуй-ххуйсса давурттай ва къул-лугьирттай зузисса, личи-личисса жула лакрал шархъаватусса лакку душру. Чансса бакъар вайми миллатирттаяссагу. Кинттул биклу, гьинттул биклу, хьхьирисс гьарца кьини бучлайсса вай хъаннил цалла ккурандалийн «Дельфин» тисса цагу дирзун дур. Гьарца кьини хьхьирисс аьрххилул цачун бусса, ххаришивурттугу, пашманшивурттугу цачу лахъайсса, цаннишал ца дусьсса, дагъусттан душварал ккуран. Ва ларгсса алхлаткьини, кюрххиссунсса

шаппай лагайссару. На зий бура остеопатну, Редуктор поселокрай ттула массажрал кабинет тивтуну. Ттула пишагу агьалинал цулла-сагъшивруцун бавхусса бухъувкун, ттунгу ттулламур цулла-сагъшиву хьхьирисс, шиккусса гьавалийн тапшур дан пикри хъунни. Ттучанма бувкисса клиенттутураьгу биклайссара хьхьириллу зу цулла-цакъ бантисса тий, шиккуссса ххуллу титлай.

Гьумучиял шяраватусса Мудунова Нана:

– Кюрххила хьхьирисс занай ттул ацтрахъул шиннур. Зий бура УЗИ-лул хлакинну. На зузисса медициналул центрду шичча арх бакъа бухъувкун, цурда ца кьини къашайссар на вай ттула дустал ккаккан къабукисса. Гьарца кьини ккаклай бунугу, дакиру цаннах ца мюхтажну, цаннал ца чларав



Гьинттул турпоходрай



дякъил замгьарданухгу къабурувгун, вай бувкун бия цала ккурандалу хъинну ххирасса ва хурматрайсса, Гьунчукъатрал шяраватусса Замира ниттил бусса кьини барча дан.

Нагу, Замирал хладур бусса нацлу-къацлулул суспралул лагма лаганнин, вайннувацца паппараннушал бував чивихъунсса ихтлат.

Гьунчукъатрал шяраватусса Билалова (Чавтараева) Замира:

– Гьарца кьини, марххала, миклациру, марч къаувкуну, хьхьирисс занай ттул хъухъунссар ца 5 шин. Ссят 8 хъуннин чурх таза буккансса упражнениертту, лечавуртту ва заназин дурну махъ, жула-жула давурттайин ягу шаппа-

бацан гьира ххину, хьхьирил мачча бувнуру бусса.

Кумиял шяраватусса Патимат Буттаева:

– Ххира шинни ттул гьарца кюрххил хьхьирисс сайрданий занай. Жагьилний учительница-ну зий биклайссияв. Школа къабивтния шийнмай зий бура мухал ххуллий. Жу шикку кюрххил дайсса давуртту чяруссар. Заназин дурну махъ байссар личи-личисса упражнениертту, марцисса хьхьирисс ссикли бигьаврил гимнастика. Жул укунмасса оьрмулувугу дусшиврул гьанурду цакъну бусса. Лагайссару, цачун хъуну, личи-личисса турпоходирттай, аьрххирдай ва хьатги-хьиншивурттай, цаннал чларав ца бацлайссару.

Хьхьирил гьавалул, гиккусса тлааншиврул, «ттуву цичлав гьунар бакъассар» тимагу, цичлана клунку увну, ххира-ххуй увну, цила аякъалийн ласунтиссар. Киул бантиссар цусса дустурацал ва цакъ бантиссар дусшиврул ламурду.

Сергокъалаллал шяраватусса Бахтаммадова Патимат:

– Пенсиялийн букканнинма хьхьирисс занай ттул 30 шинни. Вай ликри дацан дитарчан, яла вайннун банмур бакъассар. Муниятгу хьхьирисс бакъасса кьини на ттула чларав гьан кьаритара. Ва хъаннил ккуран ттурчан, жун дакъарагу чара бакъая. Гьарцаннахъ маслихат буллаи бура, нюжмардий цал бухурчагу, зулла цулла-сагъшиврул хьхьирисс шикку бухъхьира тий.

Вихуллал шяраватусса Аьлилова Ххаджат:

– Оьрмулухун хьхьирисс занай буссара учирчагу, на къабайкьинссара. Зий биклайссияв хьхьичьва Пенсион фондрай. Пенсиялийн буккаврицун, буниялагу, ттула цулла-сагъшиву дуруччаврихун багьну, хьхьирисс чун гьан даврихсса къулагъас ххисшала хъунни.

Хажимирзаева Аьбидат:

– Хьхьирисс гьарца кюрххил бучлай ттул хъунни 33 шин. Оьрмулухун зий биклайссияв жула хъуншагьрулул Психиатриялул азарханадий арамтуралмур отделениялул хъунмурну. Зийгу биклайссияв хъунмасса гьарарацал, шалла даки ттула давриву дирхьуну. Дахъра ца шинни ттул пенсиялийн бувкун. Даву кьаритарчангу, хьхьирисс къабитан къабюхъанссар. Аллагьнал цуллашиву дулурчан, ттигу вай душваврацал шиккун чярусса шинардий занансса тамахрай бура. Ттулмур пиша гихунмай бачин бантиссар ттул арснал душнил. На кунма, хлакиннал пиша язи бувгуну, цана Медакадемиялуву дуклай буссар.

Хьхьирил аьдатрайн буну, Хцала байсса упражнениерттугу буну, микларчисса шинавунгу бувчун, «Дельфин» ккурандалул душру цачун хъуна яла Замира барча буллалисса суспралух. Ча тий бия ванин цуллашиву ва дунилий буцири неьматру.

Нагу ттула чулуха, ва макъала чичин савав хъусса Замира барча буллаи, ча учин ччай бура ванин цуллашиву ва тлайлабацду. Оьрчлал, оьрчлал оьрчлал ххари буллаи битаннав ина чярусса шинардий. Ларгмур шин Замиран ва ванил уссур-ссуннан дия пашмансса ва захматсса, чивима арс Украиннавусса дявильий гьурттуу уну, даки къумасса. Аллагьнайн шукуру, ниттил дакинийн шунсса цичлав къавхъуну, махъунай зана хъунни. Замира Махачкъалаливсса Гьунчукъатрал ккурандалул сукку дурсса давуртталгу чялишсса гьурттуцири. Битаннав ина мукунма оьрму ххирану ва даки тиртуну. Барча вил ниттил бусса кьини!



ИТНИ, 20 ФЕВРАЛЬ
05.00 «Доброе утро». (12+).
09.00 Новости.
09.20 «АнтиФейк». (16+).
09.55 «Жизнь здорово!» (16+).

(16+).
23.45 «Большая игра». (16+).
00.45 «Подкаст.Лаб». (16+).
03.00 Новости.
03.05 «Подкаст.Лаб». (16+).

21.00 «Время».
22.00 Т/с «Начальник разведки». (16+).
00.00 «Большая игра». (16+).

(16+).
18.00 Вечерние новости.
18.20 «Информационный канал». (16+).

21.35 Т/с «Начальник разведки». (16+).
23.35 Д/ф «Остас - Алекс». Тот самый Алекс». (16+).

23.35 Д/ф «Александр Зиновьев. «Я есть суверенное государство». (12+).

АЛХИАТ, 26 ФЕВРАЛЬ
06.00 Новости.
06.10 «Подкаст.Лаб». (16+).

РОССИЯ 1
ИТНИ, 20 ФЕВРАЛЬ
05.00 «Утро России».
07.35-07.41 Местное время. Вести-Дагестан.

дело». [12+]
ТТАЛАТ, 21 ФЕВРАЛЬ
05.00 «Утро России».
07.35-07.41 Местное время. Вести-Дагестан.

Невзоров и Екатерина Кистень в телесериале «Личное дело». [12+]
АРВАХИ, 22 ФЕВРАЛЬ
05.00 «Утро России».

Федоров в фильме «Каминский гость». [12+]
05.55 Елена Панова, Виталий Кудрявцев, Анастасия Матвеева и Александр Усердин в фильме «Фермерша». [12+]

Митич и Милена Радудович в фильме «Балканский рубеж». [16+]
НЮЖМАР, 24 ФЕВРАЛЬ
04.35 Анастасия Залорожная, Алла Юганова, Александр Волков и Николай Иванов в фильме «Москва - Лопушки». [12+]

на и Павел Делон в фильме «Выйти замуж за генерала». [16+] до 04.21
ХХУЛУН, 25 ФЕВРАЛЬ
05.00 «Утро России. Суббота».

Хмуров в фильме «Дела семейные». [12+]
АЛХИАТ, 26 ФЕВРАЛЬ
06.10 Мария Глазкова, Никита Зверев и Ольга Дятловская в фильме «Ты мой свет». [12+]

ИТНИ, 20 ФЕВРАЛЬ
07.00 Время новостей Дагестана.
08.00 «Королева спорта» 0+
08.10 Х/ф «Белый клуб» 0+

05.05 «Выходные на колесах» 29 с. 6+
05.30 Х/ф «Два Федора» 0+
ТТАЛАТ, 21 ФЕВРАЛЬ
07.00 Время новостей Дагестана

07.20 Передача на лакском языке «Арыши на агылу» 12+
08.00 «Королева спорта» 0+
08.10 Мультифильм 0+

08.00 «Королева спорта» 0+
08.10 Мультифильм 0+
08.30 Время новостей Дагестана
08.55 Х/ф «Солдат Иван Бронки» 0+

05.40 Х/ф «Два бойца» 6+
НЮЖМАР, 24 ФЕВРАЛЬ
07.00 Время новостей Дагестана
07.20 Передача на аварском языке «Ладанги памалти заманти» 12+

04.45 «Арт-клуб» 0+
05.05 «Выходные на колесах» 31 с. 6+
05.30 Х/ф «Жди меня» 6+

04.40 «Вахтар ва инсанар» 12+
04.55 «Далестан туристический»
05.15 «Культурный код» 0+

ИТНИ, 20 ФЕВРАЛЬ
04.45 Т/с «Стажер» (16+).
06.30 «Утро. Самое лучшее». (16+).

04.30 «Их нравы».
ТТАЛАТ, 21 ФЕВРАЛЬ
04.45 Х/ф «Бомжиза». (16+).

АРВАХИ, 22 ФЕВРАЛЬ
04.50 Х/ф «Бомжиза 2». (16+).

ХАМИС, 23 ФЕВРАЛЬ
04.00 Х/ф «Отставник». (16+).

НЮЖМАР, 24 ФЕВРАЛЬ
04.35 Х/ф «Один в поле воин». (12+).

(12+).
06.40 Д/ф «Три танкиста». (16+).

АЛХИАТ, 26 ФЕВРАЛЬ
04.55 Х/ф «Капитан Голливуд». (12+).

«Илчилу» календарь

Ва нюжмардий бувссар

Февраль зурул 13-ний 1941 шинал увссар музыкант, дирижер, профессор **Тамерлан Жандаров**.

Февраль зурул 14-ний 1938 шинал увссар медициналул элмурдал доктор, профессор **ХИажи ХИажиев (Апаннинал арс)**.

Февраль зурул 15-ний 1949 шинал бувссар ДР-лул Цуллу-сагшыву дуручаврил министрвалул хьин баврил отделданул начальник **Зоя МахИаммадова**.

Февраль зурул 16-ний 1925 шинал увссар шяраваллил хозайствалул цанихсса специалист, каялувчи **МахИаммадХИажиев**.

Февраль зурул 18-ний 1869 шинал увссар Дагъусттаннал каялувчи (1919 шинайн иянин), генерал **Минкаил Халилов**.

Жула аслансса арс



Ислам МахIачев ва Шамил Шабанов

→ Дайдихьу 1 лаж.

нил, 2-мур – арамтурал ва чIава жагьилтурал. Ва кьини, Исламлул буттал шяраваллил, Буршиял, ва ниттил шяраваллил, Хюлюссуннал, агьлу бакъассагу, шиккун бувкIун бия лакрал цайми шяраваллил, жулла республикалул цайми миллатирттал инсанталгу.

Шадлугъ дачин дурну ия ДГУ-рал Студенттурал клубрал каялувчи, тямата, «Страна гор» радиолул ведущий ва, ахиргу, Исламлул цала хьинирву, Шамил Шабанов.

Ва кьини махъру лахълахъ-иминнавух бия личи-личисса министрстварттал, ведомстварттал, кIулшиву дулаврил идарарттал вакилтал. Исламлул шал цацалва яхши-хаш буван, суратру ришун ччиминнал хIат-ХIисав дакъая.

Исламлул ичIуваминнашал ва кьини хьусса ихтилат бишунну хьиривмур номерданий.



Исламлул кIирагу мухIултуштал ванал хьинирву Камил Кьурбанов

Баян

«Илчилий» бишлахисса барча бавурттал текстру буссар
укуннасса барча баву – 200 кь.
суратрашласса барча баву – 500 кь.

Бадрижамал АБЛИЕВА

Шикку гьуртту хьунни ДР-лул Халкъуннал Мажлисрал депутат Мурат Пайзуллаев, туризмалул ва халкъуннал художествалул пишардал министр Эмин Мерданов, Культуралул ирс буручаврил агентствалул каялувчи МахIач Мусаев, Аьрасатнал культуралул зузалтрал профсоюзрал Дагъусттаннал-мур организациялул председатель Марзижат Буттаева, Культуралул министрвалулчIасса Жяматийсса советрал председатель Ссалам Хавчаев, мукунма культуралул идарарттал каялувчилал.

Культуралул министр Зарема Буттаевал бувсуна ведомствалул 2022-ку шинал дурса давурттая ва 2023-ку шинал дуван дакIниймуния. Махъру лавхъуна цайминналгу. Ва кьини яла-яла ххал дигълай бия республикалий «Культура» тIисса цанилусса национал проект, «Культура малой родины» тIисса федерал

Коллегияртту

Дурмуния
ва дуванмуния

Февральданул 15-ний МахIачкъалалив хьунни Дагъусттан Республикалул Культуралул министрствалул коллегиялул заседание.



Зарема Буттаева

проект, Фазу Аьлиеван 90 шин, Расул ХIамзатовлун 100 шин шаврицун дархIуми проекту, шадлугъру, шалагу Аьрасатнал

«Пушкиннул карта» программа шаллу даврил лагрулий хьусса ва дуван дакIнийсса давуртту.

Республикалул кьатIув
гьан анавар мабуккаванну

Республикалий агьалинал цIуллушиву дуручаву ххуйсса даражалин гьаз хъанай душыву исват хъанай бур ларгсса шинал-нир 3000 инсаннал оьрму ххишала ябуван бюхъаврийну. Шинал шинайн тIиссаксагу, гьаз хъанай дур республикалул кьатIув къалавгун шиккува хьин хъанахъиминнал аьдад. 2022 шинал 14 процентрал гьаз хъуну бур лавайсса даражалул медициналул кумаг (ВМП). Укунсса ва вайннухара лархъхъусса хIасиллая бия республикалул Минздраврал гьарза-гьартасса коллегиялийсса ихтилатру.

П. РАМАЗАНОВА

Шикку гьуртту хьунни Республикалул Хукуматрал хъунанал хьиривчу АьбурахIман МахIмудов, цIуллушиву дуручаврил министр Татьяна Беляева, ДГМУ-лул ректор Висампаша Ханаьлиев, Дагъусттаннал Халкъуннал Мажлисрал Комитетрал каялувчи Илияс Маммаев, «Дагестан» ТФОМС-рал директор АхIмад Гудов, Росздравнадзорданул Дагъусттаннайсса управлениялул хъунама Тамирлан МухIаммадов, цIуллушиву дуручаврил профсоюзрал ДРО-лул хьунмур

Зумруд Бучаева, азарханардал хъуними хIакинтал.

– 2022 шинал диспансеризация дурссар 667 азара инсаннал. Шяраваллаву уттизаманнул ххуйсса медициналул оборудованиелул шаллусса цIусса 50 ФАП хьуссар, 60 идаралий мархлуцIакулсса ремонт дурссар, 5 идара цIу буккан бувссар. Модернизациялул программалул лагрулий 91 машина машин лавъссар ва медициналул 379 оборудованиелу, ларсун, зузи дурссар. Ва ялагу, ТФОМС-рал бюджетрал луртандалува 26 идаралунсса медициналул оборудование машин ларъссар, къаби-

гьасса техника, цIу дуккан дурну, дакьин дурссар. Мукунма ларгсса шинал МРТ дувайсса кIива аппарат машин лавъссар, реабилитациялул центрдансса оборудованиелу машин ларъссар, сайки 10 азара инсан шиккува, республикалий, лавайсса медициналул кумаграйн (ВМП) увкссар, республикалул кьатIув къалавгун. Аьрасатнал Федерациялий республика ккалли дунни инсантал литIаву чан хьусса ва оьрчIру баву гьаз хьусса республикалун, – увкунни Беляевал.

Висампаша Ханаьлиевлул бувсунни студенттурал оьрмулувусса ххуй чулиннайсса дахнашивурттая, ххуйну къалахълахъисса оьрчIру ВУЗ-рава буккан бувайшиврия. Зумруд Бучаевал бувсунни, агар цания ца профсоюзрал членнал цува зузисса кIанттай хIакъ тIайлану къабуллай бур тIисса ягу цамур журулул аьрза барча, профсоюзрахъ мунил хьирив буккансса ихтияр душыву.

ХьхьичIун ливчусса медициналул зузалтран коллегиялул ахирданий дуллуни наградартту.

Туризм ялу-ялун
машгъур хъанай дур

Дагъусттаннал Миллатрал библиотекалулу хьунни республикалул Туризмалул министрствалул ларгсса шинал дурса давурттал хIасиллу дуллалисса ва гьашинусса шинал дуван дакIнийсса давурттая бусласисса коллегия.

П. РАМАЗАНОВА

Министр Эмин Мердановлул кIицI лавгунни 2022 шинал туристгал республикалийн бучлаву 43, 7 процентрал гьаз хъушиву, туриндустриялул маэшатрая дучIаймур арулва миллиардраха лирчусса хъушиву, вай, 2021 шин хIисав дурну, 15 процентрал ххишласса хъанахъививу. Ванал бувсмунийн бувну, ларгсса шинал МахIачкъалалал АхIмад-Хан Султаннул цанийсса аэропортрал къамул увну ур 2, 5 миллион инсантурал, вай хъанай бур 2021

шиналнийр 23, 2 процентрал ххишлаласса. Бувсунни туризм гьаз дуву мурадрайсса проекту бартидигълагьисса шагъурдан ва районнал субсидияртту булушиву.

– «Туризм ва хъамал ххирашиврул индустрия» тIисса национал проектрал лагрулий 10 проект бартидигъин бювхъунни, туристгал гьантта бикIансса кIантту ххи бан хьунни, гьарзатту хIисавравун ларсун, даву лахъсса даражалин гьаз дуванса чаранну ляхълай буссару, – увкунни министрнал.

Ванал бувсунни шинал ла-

жиндарай аглан къадурну най диркIшиву республикалул туризмалуцIун кабаку буванса рекламалул даву, так ца ларгсса шинал министрствалул 40 ярмукалий, выставкерттай гьурттушинна дуршиву ва министрствалул цилла сипталийнугу дуршиву ярмукартту.

2023 шинал туризмалул даву бюхъулий ва сантирайн хьхьичIуннай дуву мурадрайсса проектирттаву х кIицI лавгунни курорт «Къаякент», шалагу Аьрасатнал оьрчIансса центр «Дагъусттан», Дарбантливсса бигъалагай кIанттурду, вайнну-вух – 6,7 миллиардансса б инвестициялул проект дагълагьисса «Каспилул зуманицIсса кластер». Гьаз бувна коллегиялий Хунзахъиял райондалий туризм хьхьичIуннай даву мурадрайсса масъаларттугу, карунних бартибисуртту щачай даву гьаз даврил масъаларттугу.

Лакку мазрайсса лу канихъхъун ласунну...

Февраль зурул 14-мур кьини, луттирду пишкаш баврил кьини, шаллагу дуняллий кини лагайсса жагылсса байранни. Ванил сиптачигу оьрчансса литература машгур дуллалисса ингилсинал чичу Эмма Перрир. 2012 шинал ванил дайдиху дурсса пикри ххуй бивзун, луттирду пишкаш бувай кьини хисаврай цаак хьуссар байран. Ва кьинилун хас дурсса акциядул Аьрасатнавугу цилва тарих буссар. 2017 шиная шинай ва акциядул вакилну уссар Аьрасатнал лайкь хьусса артист, режиссер Максим Аверин.



Лакрал тарих, багъу-бизу, лавгзаманнул оьрмулул тарг, лакку мукъул пасихишиву дагъайкун так лакку луттирдавур лякъинтисса.

Патимат РАМАЗАНОВА

Ккалан ххирасса инсаннан лу мудангу ххуйсса бахшишири. Инсаннал оьрмулулу луттирал бияла хьунмассар. Луттирал инсаннал интеллект итхяххан буллалиссар, память ххуй дуллалиссар, гьалгъа магьир буллалиссар, дуняллухсса ябитагу гьарза-гьарта дуллалиссар. Чявусса мукьру шай, луттирду агьалинал дакьру тазатирх дуккан дувайсса, дармансса духтуртурал ххуллийссар тий. Хлакьинусса кьини, гьай-гьай, хаснува жагылсса никирал чун интернетрал канай дур, мюрши оьрчрува гаджетирттавун, смартфоннавун кьувтуну бур. Агьали, луттирдугу канил бувгьуну, ца-ца чанпи рутлай, ххилту тий ккалаккисса чунну тарихравун лагавай дур. Тул никирал агьулдануча ххишала бакъа кьиматрай бикайсся лакрал чичултрал луттирду. Лахьисса кинтнил хьурдай сайки гьарца кьушлийсса пачкьатта чивисса библиотека. Циняв ичфувацери лагма лавгун, ца лахьну ккалай, махьми вичи дирхьуну буккайссия лакрал чичултрал зясса луттирду. Кувнал кувнахъхъун буллай, бириян кьабитлай, биялсса аваз бикайва, хлатта шил хьирив шихъхъун ирглий буссаривгума бази дайссия.

Лакрал тарих, багъу-бизу, лавгзаманнул оьрмулул тарг, лакку мукъул пасихишиву дагъайкун так лакку луттирдавур лякъинтисса. Таржумалул кьалай кьадурксса луттирал кьимат личиссар, таржумачи цуксса гьунар бусса ухурчагу, лакку хлах, накьич, гьалгьалул буши, лугьат бусса куцуй ца луттирава цамунивун ласун кьашайссар. Талихиндаран, лакку мазрайсса луттирду ккалаккимигу, чичаймигу бур хлакьинугу. Лахьисса лякьиннав лакку мазрайсса луттирдал оьрму, чан кьахьуннав дуняллий лакку луттирду канихъхъун ласаймигу.



Адабиятфрал
лажсин

Авторнал ирсирава

МАХИМУД КЪИМПАЕВ,

ш.ХХЮЛУССУН

Барщи

Агь, ттул жагылний оьрмуй,
Баршаний буттал кьаттай,
Ххяххабургьил нурданул
Чанна лахъан дай ларзуй.

Агь, ттул Баршаний оьрмуй,
Ки-шан-кьача кичиртуй.
Агь, жул аьзисса махлай,
Дакния кьабуккайсса.

Кьувай-Ххяллул ххуйшиву,
Дакнийн гьавас бутайсса,
Циксса уругларчангу,
Щалиххан бан кьашайсса.

Ххюлуссуннаха

Бюхттул зунттал дянив кьану дирхьусса,
Зунттал ххуйшивуртту лагмара дусса,
Буттахьал ххаллилсса тарихгу бусса,
Жул дакнил билаят, гьай-жан, Ххюлуссун.

Ххяххабургьил тинттал титин буvara,
Цузурул нурданул карамат бара,
Виша лашан дансса цичав кьалакьай,
Жул дакнил билаят, гьай-жан, Ххюлуссун.

Вил махру, барзунттив, барзунттай аврду,
Адав, ламус ххисса буссар вил арсру.
Буссар жуву мудан вил кьадру-кьимат,
Жул дакнил билаят, гьай-жан, Ххюлуссун.

Виша балай тийнна дуссар Хьун-Нехгу,
Вишала шуршу буллай буссар вацригу,
Кьалешантиссара ина жул дакний,
Жул дакнил билаят, гьай-жан, Ххюлуссун!

Зунттал Жайран

Кай лакрал зунттаву
Ца Жайран бур тар,
Кай циняв зунтурдал
Авур дуллайсса.

Канил чурх бусса бур
Якьут-тиркъюкьал,
Цансса хьхъунил чумал
Чанна лахъайсса.

Канил лажин дур тар
Цузурул сурат,
Цийн яцусса жагыл
Хайран увайсса.

Киа гьалгъа тий бур тар
Тутал лугьатрай,
Щарашал такьвалит
Балай тий бур тар.

Гьаз хьира, жагылтал,
Бюхттул зунттаву.
Зурул симан дусса
Жайран тимар бан.

Эшкьилуу шин

Ина шинав нанийни
Жул хьулуху ялавай,
Хьирив ялугьлай личай
Кьадагъа дакъа яру.

Паракьат дакъа дакгу
Щалла дуцай хьулданул,

Вил хьарай варакьува
Эшкьилуу шин хлакьансса.

Нажагь рязишин дарча
Варакьува шин хлакьан,
Вил хьарайсса варакьчи
Арцу-мусил буванна.

Ина буши чан барчан,
Жул хьулуху нанийни,
Вил ччаннайсса пашмакьру
Варакьирал дакъинна.

Хьурдай

Нава кьарчигъай хьурдай,
Гьава бан барзу хьурдай,
Барзунттайх гьава бувну,
Хьунссахъхъа-Зунтту ххал бан.

Закьуйн ххяххабаргь шурвав,
Ттухъахун баргь бивривав,
Ттул някуннарай тутив
Ттух ялугьлай дуривав?

Кьурду щолли хьуривав,
Маршрай тутив ххярхривав,
Ттул эшкьилуу лелухи
Гьава буллай буривав?

«Илчилуха»

Лакрал вирттаварая, кьучагьтурая
Ина жухь бусара, ххирасса «Илчий».
Жула Лакку канттул тарихраяту
Ина жухь бусара, ххаллилсса «Илчий».

Кьакьулсса аьлимтал ина кьул бара,
Миннал давуртта лаграхь бусара.
Хьунмасса барчаллагь лакрал «Илчилун»,
Ххаллилсса миллатрал ца лахь дуллайсса.

Тарихрал дарсирдан кумаггу бара,
Ниттил маз кьакьулнан лахъхьингу бара,
Кьакьулсса махьругу бувчин буvara,
Булуннав вин Заннал буллугьсса оьрму.

Лакку бизанттайсса тутал кац бувну,
На вин булувияв, аьзисса «Илчий»,
Буттал билаятрал гьарца ххазина
Гьарцаннайх бачайсса илчи буну тий.

Ччимирххяллуха

Ччимирххяллуяту титтай дунял,
Ссурулкуртта кунна, ранг-кьача шайсса.
Буттал аьршарая я батин кьашай,
Цимил иярчагу, махлаттал айсса.

Ччимирххяллуин бивни, лагмасса зунттал
Ххарил ссалам булай, чабувкру учай,
Чял хьусса марххалттал кьаласса кьяпри
Хьиннува бюхттулну ссурулун гьаз бай.

Шичча ххал хъанай бур щолли кьурдугу,
Щатаяту щатайн хьолчай тутисса,
Авурну чалай бур лагма вацригу,
Дюхлулул мурчалу шуршу тийнмасса:

Бюхттулсса бизанттай буссар хухчалтту,
Хикмасса щотуххи бишун бюхъайсса.
Ца-ца багьну буссар чуллайх чахьригу,
Щолли урттуин дирчу тиркъюкьив кунна.

Щарашал шинугу дуссар экинай,
Цал ххув увкуманал чурх рахат шайсса.
Баянгу бюхъайссар архния балай,
Бавминнал дакьурдий тутив хьа чинсса.

Агь, циксса лавгривав киа Ччимирххяллуих,
Бавху ссапардая зана кьабивкисса?
Агь, циксса бувкьивав киа Ччимирххяллуих,
Буттал аьршаракьсса ччаврил бувцуну!

Уссурвалсса миллатирттал литературалува

Шанма халичалул хавар

Дявви кьуртал хьусса ппурттуву ттун 12 шин дия, 16 шинал оьрмулдув ниттил на шар буллунав. Зунттал кланттай душругу ччяни шар булай, арсругу ччяни шаллу бувай. Та дия ххюцалку шинну дайди хьахьисса чун. Мукьва зурува ттул лас армиялийн увцуна, оьрчлах хьусса ттун мунах ялугьлан багьуна мукьра шинай. Таний аьралий бурж мукьра шинайсса бия. Жул шярваллил агьлу ччянива ппалуя варсив буллан биклайва, ми агьалинаву аьндиннал варсив тий машгьурну бия. Гьарца хьамитайпалун варси бувай касму лахьхин дувайссия. Даву бигьасса дакьанугу, ва так хьаннил даврин ккалли дувайва. Колхозраву зий дурсса чан-кьансса захматрал кинирдая дакьа цамур доход ттулгу дакьая. Оьрч буваннин арцу лякьин ччан бивкьуна, пикри хьуна, шярваллил агьулданул кунма варсив буну баххан. Ласгу армиялия учаннин кьуруш салкьи дуван хьунхьуви ттисса тамахьгу бур, маэшатрангу аьмал бикансар. Амма ттухь ппал машин ласунсса рагу арцу дакьая, шар шайни ттунна ниттил пишкаш дурсса арцул вичилусру дарххуссия. Ацния арulla шинавун бивсса ттул оьрмулдув ттул кьалипрайсса, дянив пирузилул рангирал кунтругу бусса вай вичилусру дия дуссарагу кьиматрайсса хьус.

Варсимур цуксса ганзну буврив, мукьса багьагу лавайсса биклайва. Ппалул мукьцалла килорая ацва варси хьуна, на ми буллай шаллусса зуруй зий буссияв, цуксса захматсса давури буслай лахьи кьабулланна. Варси муштаринал тталав дувайсса хьус дия, баххангу захмат ба кьая. Жапасса иш бия варсив Чачаннал дазуйн биян буван, тикку ми хьямала бувайва дахху-ласу дувултрал. Тай шиннардий, варсив баврий диклу, цайми пишардай диклу, кустарщинар тий, кьадагьа диклайва, баххангу кьабитлан биклайва. Дягьта циняв ххуллурдай милицалт кьаралданий биклайва, агар варсив баххан наними бириарча, мигу зевххуну, уголов делогума сукку дуван бюхьайва. Хьхьувайрив Чачаннал зунттаву абректурая нигь диклайва, духьурчагу, ттайлабацлу буми балчанну гьиву дурну, бакьами мукьах бившуну варсивгу бачайва Веденолийн буккан. Абректуралгу, милицалтрал кунма, варсацун гьарзат думур зерххуну, хьямала увайва иривма. Цавайвагу рахму бувайсса бакьая. Амма милицалтрая ххишала нигь диклайва, варсив, хьус зеххаву кьагану, суд-диваннахун утайну тий. Муниату чьявуми хьхьунил чумал буккайва ххуллийн. Цахьи сивсуну ва бурувччуну биканшиврул, маша бан наними кьокьри, кучунну дурну ххуллийн буккайва, чиваркуннал ххаржантру дахлайва. Ххуллийн бивкминнаву чьявусса биклайва, шярваллил агьулдануша варсив машин лавсун, ххирану баххан наниссагу, бавххуну махь багьа булун икарал дурссагу. Хьхьувай ххуллийн буккарча, кьюрххицун Веденолийн бияйва. Тикку яла Аргуннайн биян бувансса транспортрах луглан багьайва, тиччагу –маша буллалисса клантту зума кьирагьирттай бусса Чачаннал хьуншагьрулийн.

Ттулгу, туну, утти баххан хладур бивсса ацва варси бакьарив, цивпагу ганзсса, куклусса. Тукун нигьачисса ххуллийн буккан ттун пайда бакьая. Ххишалдаран, лякьлувусса оьрчашал. Баххан булурча шихьхун-бунугу, гьай-гьай, нава Грознайлийн биян бивсаннуяр килийну чансса багьа ттун булунсар...Укунсса пикирдай чаклий бавцуну бура, ттайласса хлукму буван Заннал кумагь бунния, цукунсса дунугу мяналийсса лишан гьан дурния тий. Вава хлатраву хлал биян буллалисса кьювулийн лякьа цун диркунни. Хьирив кьини кьюрххила на



Бика Алхасова



ацвагу варси баххан булав Хасавюртлия арх дакьасса кьутандалий яхьанахьисса гьанчунахьхун, кива варсилусса багьа танал гацлана буллуна, мйива варсусса арцу бавххукун, ца зурувату шярвунунай зана шайхту дулунна увкуна. Амма я ца зурува, я ца шинава, ягу кира-шанна шинаватугу маччачу шярвунунай зана кьавхьуна.

Тай шиннардий агьалинал оьрму бигьасса бакьая, шиная шинайн кьурегьшиву дагьлай, маэшатрал кьюлану бия. Аьршарая дучайсса бакляхьялия бакбуклай аьдатсса шярваллил захматчитуран кьабигьану бия. Ттул нину цурда дуниаллия гьаннин (хансса, яхлусса шарсса диклайва), нагу мукунма тарбия буну бияв. Цинма цуксса захматну бьхьурчагу, ганил тачлав цуру-кьуру кьабайва, шинчлав ккаккангу кьабитайва кьуш кьюлану бушиву. Нагу мукунма яхл буллай бивкьра. Пайламур бусан, гьай-балики ттула гьанчу тава-тагу зана хьун, варсахсса хлакьгу булун ттисса вихшалагу диклайва. Кира шин ларгуна. Ттул маччасса шарсса ттухь миннатру буллан диклайва, га жула гьанчу яхьанахьисса кьутандалийн бачу тий цишалва. На ххуллийн буккан сислай бакьаяв, чивисса оьрчашал бахьтта лахьисса ххуллу битан кьабигьашиву кьулну. Амма ца иширал ттул кихлуллану личаврил бази дуруна. Ца кьини кьюрххила на, кира шинавусса арсенал кагу дургьуну, хлаллицух кьуллаллийн най буссияв. Нани ххуллий хьунаавкьуна форель-балугьгу бивгьуну нанисса шярвучу. Шярваллил агьулданухь сайки дурагу арцу кьадиклайва, колхозравусса захматрал кинирдахлусса хлакьгу хьунмурчин нувшуйну, кьалмуйну ягу нисрайну булайва. Арцуми ча диклайссия. Ттулчу та гьанчунал кива варсух дулусса арцуя лирчисса шанна кьуруш дакьа-дакьассия, на ми, ца иш багьарчагу тий, ядуллай буссияв. Вай шанна кьуруш ттунгу, арсенангу ччатгух диял хьунссия гуж-балагьрай бачи зуруйсса, агар ичтура дуканмунил чьир-хьунсса цамур луртангу духьурча. На чавахьру баххул чарах бивкун гьаннай буссияв. Цакуну ттун хисав хьунни-

Ттун ххуй бизай «Фейсбукрай» Бика Алхасовал мюрши хаварду. Ва Бушхьиял райондалийсса Аьндиннал шярватусса бур, ванил пишару литературалуцун бавхьусса бакьар, инженер-геолог ва магьирсса дарзи бур. Политикалия, экономикалия, дуниаллий хьанахьимуния, багьу-бизулдул масьаларттая шац хьусса ттул дакьини малханну биклай Бикал пасихиврул даражали чивчусса хаварду. Зулми дакьругу дигьалаган дуваншиврий дакь дарцуну, таржума буллай бура ванил устгарсса хавардавасса ца.

хха ттула илтгасса оьрч хайранну цити ивкун ушиву арцул пар бусса чавахьирттал чарсса хьарайх руртуну, нанисса шярвучунах. Ттул кьокьл цьурхьху тун диркьуна, оьрчан дуканмур царца куцуйсса дулара нара мудан, дахханасса дукра дуван кьашай, нахьусса цидунугу кьадурну цуксса хлалли ттисса пикри бакраву гьанан биклайхту. На, балугьру баххухь цахьи хлаллайсса аглан хьу куну, анаварну шаппай лавгун, лариртсса арцува ца кьуруш личи дурну, шанма хьуни бакьасса балугь машин лавссьисия. Ххалуйх лавхсса балугьругу дюхлулсса кланттай мьорайн лавхьун, на, гава куцуй арсенал кагу дургьуну, цунилгу кьуллаллийн лавгьисияв шинал хьирив, шаппай бучайхту балугь дагь буну оьрчан булунна ттисса ххарививугу дакьиниву дуну. Шингу ларсун шаппай занабиклайхтурив, ттун кьашилул аьлаву ларчлуна: на балугьру лавххусса мьорай балугьирттахлу анжагь бутла зурчлай тий бия. Тихунмайну мурацув кива шярал читу бия балугьирттал кьаркьаллу кьуршу дулла...

Та кьини на хлукму бивссия, мачча душнил ттимуру буну, баххан халичарттугу лавсун, акьа хьусса гьанчунал хьирив буккан. Чивисса оьрчашал мукьва гьантлий жу ххуллий най бивкьру, ляхкара бахьтта, лях-кара хьирив ссайн-бунугу лахьансса ттайлабацлу шайва. Кьутандалийн бияйхту жу, цухлай, лякьарду гьанчунал кьатта. Ганайн яшайхтурив, ттул иттату дайгьин кьахьанай махь дарчуна. Га увчиннувагу акьая, жагьилсса адамина ца-кира шинал дянив кьужлуйн увкун ия, кьювулул бас дурсса симандалий яру бакьа ливчун бакьая. Га тахлий уттуивхьуну ия, гьинтнил кьирисса гьантри бунугу, ганзсса виргьангу ялтту лирчуну. Виргьандалула чалай дия ганал илтлул тама хьусса кару. Яхьанайгу ия оьрчал бивчусса мискинсса пукьлуву, захматшивуртту духлан кьархьуну, дурсуну дачи шинал хьхьич ганал шарссагу диркьуну дия. Гужсса хьагьилгу бас уллай унува, га хлаллицух буслай айивхьуна кира шинал лажиндарай цала бакьарчан бивкьмуру.

Адабиятфал
лажин

– Та баласса хьхьуну абректурал на, думуница увну, хьямала увнав, балчангу зевххуна. На хлалал ити ина, ттул душ. Кьнялий кьабивкьиссия, ва кьирививрувух, чивисса оьрчашал лахьисса ххуллугу бивтун кьабучанссияв инагу. Ина ттула ужагьрайн бияннин на ивкьуну ивкьиссия...

Га чу бакьа аьтлий ия, ганащал архлал аьтлий бивкьру жу. На ганахь увкуссия бурж хлалал битлай бура куну, гава кьини махьунмай лавгьисияв. Тания мукьах ларгуна ацния хьюра шин. На мьайжанну дакьинийхтуну ттула гьанчу хлалал ивтссия, буржгу хьамавабивтуна.

Кьинирдал ца кьини жул кьатрачла кьай духхай машина бацлан буну, ганива бивкьуна кьул бакьасса жагьилсса адамина ва хьамитайпа.

– На зул маччачунал Халидлул арс Илияс ура, вагу ттул кулпат Гулхалунни, – увкуна кьулакьул. Ганал бивсуна ппу дуниаллия гьаннин бурж дакьинийну ивкьиву ва цахьва миннат бившиву, каша шайхту, бурж зана буван. Бивсуна ппу гьутрудал азарданул ивкьиву, вара азарданул ливтуйшиву хьиривсса хьюра шинал лажиндарай мукьва оьрч, сагьну ливчуйшиву хьуними оьрчру, кия арс ва душ. Илияс оьрмулдул 16 шинаву дуснащал кьюмайттути батлан Кураллавун лавгун, тийхва кланттул хьушиву, эшкьи дурну Гулхалумгу шарну бивцуну. Буттал аманат дакьинийну, Илияс бурж лахьанмур салкьи дуллай ивкьун ур, бюхьай-шай буллай. Бурж лахьануксса арцу салкьи дурну, ххуллийн уккан нанийни, ганахь шарссанил увкуну бур:

– Цуксса архсса ххуллийн ина уклай ухьурчангу, нагу вишал архлал бучанна. Вил буттал бивсун бурхха маччадушнил бурж хлалал бивтшиву цуппа кьаваданну яхьанай бухьурчагу. Гьай-балики, танил арцу кьаласун, хлаллан ххуллу хьун. Нану жува жушала ласуннуча шанма бартбису, агар та гьайгу-дайгу арцу кьаласунна тий бацларча, жува вай бартбисуртту бахшишран кьабитанну, буржирал багьлий бацлай бур вай. Вил дакьугу рахлат дуккантиссар.

Гьай-гьай, на цукунчав рязи кьавхьуссияв арцу ласун. Хлалал бивтсса бурж ласлан биклайссарив, ххишалдаран ивкьуну лавгьисса инсанная? Кьай духхай машиналия Илияслул шанма халича бучан бунна. «Лажинничя, вай шанма бартбису кьамул бува, вай вин ссайгьатранни. Ттул шарссанил цила карунних шавшсса халичарду», – увкуна ганал бартбисуртту ликкан байхту. Ттун тукун ххирасса ссайгьат кьамул буван ччай бакьая, амма бартбисуртту кьаласунтуйшиврий ттуша хьамал мукьру буван кьавхьуна. Лахьисса бяст-ччалливу хьамал ххув хьуну, бартбисуртту ттуцла ливчлуна

Хлакьину ниттин мьайцалла шинни, хлакьину ванил ужагьрай дакьинийн бутавурттал кьини дур. Жу, цаннийн ца лажинну шягубивкьун, кьурчину аьтлий буру. На лахьну кьупа тий аьтлий бура, нинумур – лагьну, чу кьабуккану. Нину мулангу цила цурда дургьусса, ссавур дусса дуссар, ихтилат чансса, паракьатсса. Намур ттуйнма нава нааьналий бура, ниттин кьурчисса ишру дакьинийн бутлан багьунни тий. Жун, шанмагу ссийн, ца-цаннин ца-ца бивссар вай кураллал бартбисуртту. Жучла шяв бивчусса бартбисурттайн ябияйхту, нину мулангу кьума лаган диклай. Нину тачлав хьуслихун дагьсса шарсса дакьая, жунгу бивчлай бия бартбисуртту ниттин ххирашиврул савав: жагьилсса лагири душнил каруннил шавшсса гай яргьсса ппалул бартбисуртту ниттин цила жагьил заманнул ва укунасса инсаннал инсаншиврул лишанну, бардултну хьанай буну тий, муниату кьиматрайгу буну тий.

Бика АЛХАСОВА
Таржума Патимат РАМАЗАНОВА

Фотосуратирттайнусса жула тарих

Ттул Чакъал



ХI. Буттаев



Н. Буттаев



Чапаевкаллал школалул 10-мур класс. 1995 ш.



Щарнил хIатталлийсса ца кIалабарз



И. Ибрагъимов душнил арсначал



Дянив Р. Аьлиханов



П. ХIабиева, Х. Къапланова



П. Махаммадов



Чакълал шяраву 1938 шинал рирщусса сурат



XI. Иллүев



Ш. Хусайнов



Цусса хаварду. 1964 ш.




Ж. Буттаев



И. Иллүев



Орджоникдзел цанийсса колхозрал бригада




Н. Махаммадалиев




К. Къурбанов



Х. Махаммадалиев, Аь. Хушлаев, З. Махаммадов



Д. Динмахаммадов



Махаммада ва Зумрут Хусайновхъул



Чакълал къатрал ца чиравусса чару – аьвзалзаманнул накъичрачалсса



XI. Буттаева

Анриана АБДУЛЛАЕВА

Альмичунал аьпалун хасну

Ухссавнил Ккавкказрай педагогикалул цалчинсса доктор

Архсса зунттал шяравасса, оьрус маз ниттил мазну кьахъа-нахъисса инсанная хьхьичунсса оьрус мазрал специалист шаврилла барашинна дуллай бур ва ляличисса бюхъу-гьунарданул ва захматрал заллу ушиврул.

Гьарун ХАжикьурбанович ляличину бусравну ур элмулул, кьулшивуртту дулаврил аралулу зузминнан. Ва шалагу Дагьусттаннай, Ухссавнил Ккавкказрай цалчин педагогикалул элмурдал доктор хьусса аьлимчури.

Оьрмулулу, чивинияцара, хьунадаркьусса захматшивурттах кьаурувгун, зунттал шярава увксса жагьилнаша бювхьуссар, куртисса кьулшивурттуу ларсун, бигьа дакъасса мазрал элмугу ахттар дурну, лавайсса даражалу аьлимчу хьун.

Захматшивуртту ва кьурчшивурттуури ванал оьрмулулу чансса кьадиркун дур.

Увну ур Гьарун 1930-ку шинал декабрь зурул 20-ний Ккулал шяраву. Захмат ххирасса буттал хларачатрайну кулпатрал маэшат оьккисса кьабивкун бур. Амма ва, кулакри тий, цимурцаннуцагу увну, хьюва оьрчал ялату Ссивирлив гьан увну ур.

Хьунма хлал кьабувну нинугу диркуну, хьюва оьрчи – хьюягу арс, цахунма цивпна бивчуну бур. Нитти-буттаца хьусса кьумашиврул чивисса оьрмулувусса ца оьрчи, цува бурцурдил уканишиврул, вацлунгума ливхьун ивкиссар, тий буслан биклай. Вай цимурцаннуцун чяни дуняллия лавгсса шамашама уссил бивкунулул дард кьухингу кьисмат хьуну бур Гьарунун. Хьунама уссу Абакар оьрмулул 17 шинаву хушрай дяввийн лавгун, захматсса шаву дирну, мушакьат хьуну ур. Зана хьуну махь, ца уссугу увцуну, цала маэшатрал хьирив Туркманнавун лавгун ивкун, угарданул загьрулул бувну, кинягу оьрмулуца хьуну ур.

Сухокумскалал авлахьрайсса даэлий ивкуну ур ца уссу цумагу. Укун захматсса кьинирду диркун дур Буржуновхьал кулпатрал бакрачан.

Дяввилул шиннардийн тийла дарцусса Гьарунул оьрчшивугу захматсса, ккаши-мякьсса хьуну дур. Амма кьанкьа-кьурчисса члаважагил захматшивурттал лахан ан кьаавцуну ур. Кьалевщун бур ванаву дуккаврисса гьирагьавасгу. Дуклай ивкун ур Гьарун марцуну хьювардай.

Та чумал Ккулал райондалийсса школардай ацва класс кьабивкун бур. Гихунайгу дукланса гьира буну, 9 класс кьуртал байхт, Гьарун увхун ур Гьумучиял педучилищалул 2-мур курсирайн. Ва диркун дур 1945-ку шин. Дявви кьуртал хьуну махьсса ккашилсса шинну.

Ацния мукьра шинавусса члаважагил гьарица ххуллункьини, 30 километр дусса ххулугу бахьтта бивтун, буттал шяравун учийсса ивкун ур дуки-хачанмунишалсса азихьрал хьирив. Гьунтти кьини тава ххуллий махьунай.

Гьарун кунмасса, лайкьну, узданну оьрму бивтсса, инсангузая буслан, баллан бивкуну, махаттал-хайран шара вай мюрши жагьилтуруву бивкисса яхирай, ссавурданий, вайн-

Январь зурул 5-ний аьпалухьхун лавгунни ххаллилсса лаккучу, цанихсса аьлимчу, педагогикалул элмурдал доктор, профессор, Аьрасатнал ва Дагьусттаннал лайкь хьусса элмийсса зузала Буржунов Гьарун ХАжикьурбанович.

Гьарун ХАжикьурбанович Дагьусттаннал дуккаврил аралулу оьрчан оьрус маз лахьхьин хьунмасса захмат бивхьусса аьлимчури. Ванал ца, Дагьусттаннай дакъассагу, кьадрулий ва кьиматрай диркиссар, дуссар республикалул кьатувугу, хьунасса аьлимчу хисаврай.

Ришлай буру Гьарун ХАжикьурбановичлул 90 шинал юбилейрацун дархуну чирчуну диркисса макьала



Гьарун Буржунов

нал сисаврий, вайннавусса кьулшивуртту ласунсса гьирарай. Кьанкьустал. Укунсса оьрчя ххаллилсса аьлимтал, хьхьичунсса пишакартал шавугу бувчлачисса зат бур. Махьчларав ацанма акьана, цала хларачатрайну ва захматрайну ххуллу ласлай, бюхтулсса даражалийн лавхьун, цала ца халкьуннан бусрав дурсса инсанталли вай.

Вайннал бивтсса ххуллул ва дурцирив давурттал хисав-сандуллан бивкуну, хьюва оьрму бивтсса ххансар.

1947-ку шинал ххуйсса кьиматирттай училищагу кьуртал бувну, Гьарун увкун ур зун Ккулал школалийн. 1949-ку шинал аьралуннаву кьулугь бан уциннин, шикку байбихьул классирттаву дарс дихьлай ивкун ур. Ва най унува ххир хьуну ур дуклаки оьрчан ва учительтуран. Вай шиннардий Гьарун ХАжикьурбановичлул оьрчан кьулшивуртту дулаврил кьядардаву мюнпат бусса даханашивуртту ва цушиннарду дурну дур. Хьунмасса захмат бивхьуну бур зунттал шяравалли оьрчан оьрус маз лахьхьин бан.

Аьралай бурж лавхьун азана хьуну махь Гьарун увхун ур Дагьусттаннал паччахьлугьрал педагогикалул институтравун. Му кьуртал бувну махь, 1957-1960-ку шиннардий Ккулал школалий оьрус мазрал ва литературалул дарсру дихьлай ивкун ур. Ми шиннардий пикри булан ивкун ур миллатрал школардай оьрус мазрал дарсру дишаврил кьядардая. Дурккун дур миннул хакьиравусса цалчинсса макьаларттугу.

1960-ку шинал ка-кумаг бансса, чларав ацансса инсан акьанува, Москвавил лавгун, цайнува цува хьунмасса конкурс дусса Педагогикалул элмурдал академиялул аспирантуралувун увхун ур. Шивугу ва оьрус мазрал дарсру дишаврил, оьрчан маз лахьхьин баврил кьядардал ялул зий ивкун ур. Хьунмасса бахтти хьуну бур Гьарун ХАжикьурбановичлул элмийсса каялувчинал чулуха. Ванал элмийсса каялувчи ивкун ур Дагьусттангу, Дагьусттаннал мазругу ххуйну кьулсса цанихсса лингвист, кавказовед Е. А. Бокарев. Бахтти хьуну бур ванан академиктал В. Виноградов, Н.

Гьарун Буржуновлул хладур увсар 4 доктор ва 36 элмурдал кандидат, увчуну ивкиссар Докторнал диссертация дуруччайсса советрал председателюну. Аьлимчунал канила дурккун дур шантуршуннийн дирсса элмийсса давуртту. Ми чяруми итадаркьуну дур Москвавил, Санкт-Петербурглив ва цаймигу Аьрасатнал ва СНГ-лул шагьрурдай.

Шанский, А. Текучев, Р. Аванесов, профессортал Г. Сердюченко, С. Ожегов, М. Панов, В. Иванов, В. Чистяков, И. Баранников кунмасса элмулул корифейтурайн бакрайн агьаврийнугу.

Вайннал бувкксса лекциярдал, дуллусса консультациярдал цин лавхьхьусса клану бувгьуну бур Гьарун ХАжикьурбановичлул творчествалул биографиялулу.

1963-ку шина аивхьуну, Гьарун ХАжикьурбанович зий ивкун ур Дагьусттаннал педагогикалул институтраву. Ванал оьрмулул хьунмур бутла ва институтрацун бавхьусса бур. 1966-1972-ку шиннардий оьрус мазрал кафедралул заведующийну ивкун ур. 1973-ку шинал ивтун ур хьунама элмийсса зузалану. 1976-1980-ку шиннардий ивкун ур филологиялул факультетрал декану ва оьрус мазрал дарс дишаврил методикалул кафедралул заведующийну.

Кафедралий каялувшиву дуллай ивкун ур 2010-ку шинайн бияннин.

Гьарун ХАжикьурбанович ивкун ур Доктортувал ва кандидаттувал диссертациярду дуруччайсса советрал председателюну. Диссертациялул советрал кьамул дайсса диркиссар элмулул доктортал ва кандидаттал хьунсса диссертациярду Ухссавнил Ккавказулал цинярдагу регионная. Гьарун ХАжикьурбановичлул хладур увну ур 4 элмулул доктор ва 34 кандидат.

Аьлимчунал канила дурккун дур шантуршуннийн дирсса элмийсса давуртту. Ми чяруми итадаркьуну дур Москвавил, Санкт-Петербурглив ва цаймигу Аьрасатнал ва СНГ-лул шагьрурдай. Ванал луттирду ишла буллай бур школардай, педколледжирттаву ва ВУЗирттаву. Вайннун лавайсса кьимат бившуну бур хлал кьулсса пишакартувал.

Буржунов хьанахьиссар Б4-11-ми классирттансса мукьва лакку мазрал луттирал автор.

Ванал луттирда, методикалул пособиартта ва словарда хьунмасса кумаг хьуссар оьрус мазрал ва лакку мазрал дарсру дихьлахьисса учительтуран. Гьарун цимилагу гьуртту хьуну ур шалагу Аьрасатнал ва дуняллул халкьуннал дянивсса элмийсса конференциярттай. Ванал мудангу хьунмасса кьулагьас дайсса диркиссар оьрус мазрал ва лакку мазрал учительтал хладур баврих, зузисса учительтувал даража гьаз баврих.

Ва мудангу хлала-гьуртту зий ивкиссар Аьрасатнал педагогикалул, Москвавил педагогикалул, Халкьуннал дусшиврул университетиртташчал, Аьрасатнал кьулшивуртту дулаврил академиялул, Ухссавнил Аьсагиннал университетрашчал, А. Тахо-Годил цанийсса Дагьусттаннал педагогикалул институтрашчал, Кьулшивуртту дулаврил министрствалул учительтувал даража гьаз баврил институтрашчал, каялувшиву дуллай ивкиссар А. Тахо-Годил цанийсса педагогикалул институтрал элмийсса секциялий. Гьарица шинах, 1978-ку шина 90-ку шинайн бияннин, Гьарун ХАжикьурбановичлул буйкайсса бивкун бур лекциярду Санкт-Петербургливсса А. И. Герценулул цанийсса Аьрасатнал паччахьлугьрал университетраву. Бакуйсса М. Ф. Ахундовлул цанийсса Азирбижаннал паччахьлугьрал оьрус мазрал ва литературалул институтраву. Кьулшивуртту дулаврил аралулу бивхьусса захматрахлу ва лайкь хьуссар «Отличник просвещения СССР», «За отличные успехи в работе высшей школы», «Отличник народного просвещения РСФСР» лишанан, личи-личисса медаллан, Грамотарттан ва Барчаллаьрал чагьардан. 1996-ку шина шихунай ва хьанахьиссар Педагогикалул ва социал элмурдал академиялул член. Гьарун захматрал ветеранни.

Элмулул, кьулшивуртту дулаврил ххуллийсса ккаккиарттайнугу, лайкьшивурттайнугу акьассагу, Гьарун бусравну ва ххирану ур кьулминнан цала инсаншиврийну, даки-аьмал хьиншиврийну.

Чивусса лякьинтиссар иш багьний ванал кумаг бувссар, чларав авцуссар тисса. Гьарун тачлаву кьауругайсса ивкун ур инсаннал даражалух, кьуллугьрах, ахвалданух. Цацава шайсса кумаг ванал байсса бивкун бур гьарица цайна увксса инсаннан.

Адаминал талих ххуйсса Акулпат бакрайн багьавривур учай. Мукун бухьурча, хьунмасса бахтти-талих хьуну бур Гьарунун цанма лайкьсса, цува увчлачисса, гьарица ишираву цала чларав бацайсса кулпат бакрайн багьаврийну. Анисат хлакин бур. Ятлул дипломрай Медициналул институтту кьуртал бувну, чярусса шиннардий участокрал хлакинну зий ивкун бур.

Анисатгу, цува Гьарун кунма, аьчухсса, даки хьинсса инсан бур. Вайннал, ххуйсса тарбиягу дуллуну, цала-цала оьрмулул ххуллийн бивчуну бур мукьва душ.

Миннавату кива буттал шаттирдайх лавгун бур, киннил, ниттил кунна, медицина язи дургьуну дур. Цивппа-цивппа зузисса кьантурдай хурматрай бур.

Жижара


**БАГДАДИНАЛ
АРС КЪАРДАШОВ
РУСЛАН**

Январь зурул 10-нний Украинна аьршарайсса Артемовск шагьрулухлусса галтавриву виричуну жан дуллунни ГьунчлукьатГрал шяравасса Багьдадинал арс Къардашов Русланнул.

Февральданул 12-ннийва увчунни цала буттал шяраву.

Руслан увну ур апрельданул 17-нний 1989 шинал. Вайнал кулпат Таджикнава Дагъусттаннай бивзун махъ Руслан

дуклай ивкИссар буттал шяраву. Ва ия гьарца чулуха хIал бавкьусса, нигь-щцах дакьассса, цайва, учительнал бикIу, хьуниминнал бикIу, бивхьусса бигарду шаллуну биттур бан мудангу хIадурсса инсан.

Къучагьнал куннасса хасият дусса Русланнун лайкьсса бия аьраличунал пишагу.

2015 шинал ва хушрай увхун ур «Вагнер» ЧВК-лунун. Гания шийнмай, Сириянаву шанна шинай, Ливиянаву кIира шинай, 2022 шинал июнь зуруя айивхьуну Украиннаву, ванал бивтун бур биялсса аьралий ххуллурду.

Вай хIукуматиртгясса аьралий наградарттугу дур ванал 10-нний лирчусса. Вайннулва буслай бур Русланнул къучагьшиврия ва виричушиврия.

ХIайп, оьрмул дзаяннив бяливчIунни ца уттигу жула язисса арснал оьрму.

Хьуннасса къурчIишиву кIидачIлай, дакIнийхтунусса жижара буллай буру Русланнул ниттихь, уссурваврахь, ссурваврахь, гьан-маччанахь ва шалагу агьлу-авладрахь.

Цума-цагу гьунчлукьатГричунан Руслан дакIний личIантIиссар жагьилсса оьрму Буттал КIанттух харж бувсса виричу хIисаврай. Цал бунагьирттал аьпа баннав, рухI рахIатний дшиннав.

ГьунчлукьатГрал ккуран

МАХIАММАДIУЛ ДУШ ЮСУПОВА УМАЙЗАТ

жуятува личи шаврийн бувну, ГьунчлукьатГрал школаучIасса «Дараччи» клубрал члентурал, учительтурал коллективрал чулухату, хьуннасса къумашивугу кIидачIлай, дакIнийхтунусса жижара буллай буру арсурваврахь Раппанинахь, Пайзуллагьлукь, душваврахь Сиясатлукь, Хамислукь, Аминатлукь, Асиятлукь, куявтурахь, арснал шарнихь, вайннайту бивзминнахь ва махьсса шалагу агьлу-авладрахь.

Умайзатлун чаннасса симан жун мудангу дакIний личIантIиссар. РухI алжаннул ххари даннав, цил бунагьирттал аьпа баннав.

ГьунчлукьатГрал школаучIасса «Дараччи» клуб

Баян

Редакциялуцун дархIусса тIалавшиннардайн бувну, «Илчиллий» бишлашисса жижаратгал текстру буссар укунсса багьрал лагрулий: укунмасса жижара – 200 къ., суратрашласса некролог – 500 къ.

«ИЛЧИЛУЛ» редакция

ЗанантIий бур цIусса автобусу

Дагъусттаннал ХIукуматрал хьуниминнал хIукмулийн бувну, машин ласун най бур МахIачкьалалия Каспийскалийн заназ бансса 30 цIусса автобус. ЦУР-данул эфирданий ДР-лун транспортрал ва ххуллурдал хозияствалул министр МахIаммад ТIагьировул бувсунни автобусу машин ласаврих харж дан най бушиву 279 миллион арцул.

Имара САИДОВА

– Ларгсса шинал сентябрь-октябрь зуруй сукку бувссия транспорт машин ласаврил маьсала. Республикалул каялувчитурал, жуцун бавкьуну, 2023-2024 шиннардий цIусса транспорт машин ласунсса арцу итадаркьунни, – увкунни ТIагьировул.

МахIачкьалалия Каспийскалийн заназ бансса цIусса автобусу ласунтIиссар «Развитие транспортного комплекса РД» тIисса паччахIлугьрал региондалул программалул лагрулий.

Региондалул Минтранрал бусаврийн бувну, газрал ччуччия ишла дуллалисса автобусу бур



мушакьатшиву дусса инсантурансса ва укунмасса агьалинансса къулайсса шартIру дусса.

ЦIулу-сагъшиву

СПИД-рал ясирлув къахьуншиврул

Февральданул 14-нний «Молодежь Дагестана» кказитрал редакциялий МахIачкьалалия Республикалул СПИД-рал халкь бурччаврил центрданул профилактикалул отделданул хIакин-инфекционист Жамал Ризвановул пресс-конференция хьунни. Ванал бусунни СПИД-рал Аьрасатнавуссагу, Дагъусттаннайссагу тагьардания.

Аминат АХIМАДОВА

СПИД дуркIун дур жучIанна Африканава. ХьхьичIра-хьхьичI му ялун лирчуну дур Украиннаву, моряктал ларсун бувкIун. Аьрасатнавух ппив хьуну дур наркомантурайну. Статистикалийн бунун, СПИД-рал къашавайсса инсантал чIявусса бусса билаятру хIисав бувну, Аьрасат бур 35-мур КIанттай.

УрцIалку шиннардия шинмай хIисав бувну Аьрасатнаву СПИД дусса хьанай ур 1 000000 ва 700 азара инсан, ивкIуну ур 435 азара инсан.

Дагъусттаннай хIакьинусса кьини СПИД-рал къашавайсса хьанай ур 4700 инсан, 1300 ивкIуну ур. Гьарца шинал ва къашайшиву дусса 350-400 инсан цIуну ялун личайсса ур.

Жамал Ризвановул буслай, хьхьичIра СПИД так жагь-жугьултрай диркIхьурча, утти кулпатру бусса, 40 шинай 50 шинай бияннинссагу, мунияр лаввайссагу оьрмулун инсантурай дур. Тани наркомантурал ишла буллалисса шприцу багьанану лахьлай бивкIхьурча, цIана миннун КIанттай бур таблеткартту, цайми хIилла-хIуччардайн ишла буллалисса тарияк, мунийн бувну хIакьинусса кьини СПИД ппив шаврин багьанасавав дур вьвлыйсса арамтал, хьами. Ва азар лахьан бюхьайссар мукунна ккарччив хьин дуллалий-



Жамал Ризванов

ни, хьами-душаврал каруннил, ччаннал михьру чIолу буллалийни, анализу дуллалийни ва мукунма медициналул идарарттай оь буллалийни.

ЦIана СПИД хьин дуллалисса жура-журасса даруртту бур. Ми къашайшалтран уквта итабакьлакьиссар.

Инсантуран цайнна СПИД лархьшиву кIул хьуннин мадарасса чIун лагайсса дур. Цикссагу инсантал СПИД-рашал занай бикIайсса бур, хаварбакьулий кIул хьунца. Яла чIяруну ялун личайсса дур лякьлукь бусса ниттихьай, чIун-чIумуй дуллалисса анализирттайн бувну.

СПИДцIанасса заманнай хьин дувансса шартIру чIярусса дур.

– Му оьттува марцI дайссар, амма инсаннал чурххаву (ткани) личайссар. Хьин хьусса инсаннаша бюхьайссар, кулпатту був-

ну, цайминнавух ялапар хьанан, амма вихшалдарай бусан аьркинссар чIаравсса инсантурахь цува СПИД-рал ясирлув ушиву, – тIий ур Жамал Ризванов.

ЦIанасса чIумал СПИД тIутIаих дирчуну дур Сибирнаву – Кемерово, Екатеринбург, Тюмень, Челябинск, Иркутск, Оренбург шагьрурдай. Москва ва Санкт-Петербург СПИД-рал танивасса куртан ккаллину бур. Кьилвалул чулуха – Краснодар, Ростов, Волгоград.

СКФО-лул регионну хIисав бувну 1-мур КIанттай бур Ставропольский край, 2-мур – Ингушетия, 3-мур – Чачаннал Республика, 4-мур – Ухсавнил Осетия, 5-мур – Дагъусттан.

Дагъусттаннай тIурча, 1-мур кIану бур Дарбантуллахь, 2-мур – Дагъусттаннал Огнилукь, 3-мур Буйнакскалукь, 4-мур – Каспийскалукь, 5-мур – МахIачкьалалукь.

Хьин хьаняр личIлулуни бикIавриву рахIатшиву дуссар.

Бурувчуну бикIияра инсантурашалсса хаварбакьулийсса хьунабакьавурттая. Ва пресс-конференциялул мурадугу хьанай бия инсантуран мяьлумуну бувчIин баву СПИД-рая бурувчуну бикIан аьркиншиву ва, агарда бала зула чIарах къабуккарча, цукун къущу тIун аьркинсарив.

Агарда шак-шуклийсса инсан ухьурча, зуша бюхьайссар, ва Центрданул телефоннал номердин оьвкуну, хьирив лаяву дуван:

55-03-72; 55-03-76.

Ахирданий инфекционистнал жавабру дуллунни журналисттулар суаллахьхун.

Криминалданул хаварду

МАШИНА ШУННИ

Февраль зурул 13-нний, ссят 22.00 хьусса чIумал, «Кавказ» федерал трассалий Къаякентуллал райондалий «ЛАДА – 2107» машиналий нанисса 33 шинавусса адаминал шун бувну бур машина бахьтагьалтран ккаккан къабувсса КIанттай ххуллу лахьлахьисса хьамитайпалийн. Ва бусса КIанай къуртал хьуну бур. Ва бур шиччавасса, оьрмулун 50 шинавусса, хьамитайпа. Хьусса иширал хIакьираву салкьи дурну дур материал.

**АВАРИЯ ХЬУНУ,
ЖАГЬИЛССА ОьРЧИ
ОьРМУЛУЦА ХЬУННИ**

Февраль зурул 13-нний, ссят 23.30 хьусса чIумал, Хасавюртулал райондалий 21 шинавусса жагьилнаша машина, байгьин къавхьуну, ххуллул зуманицIсса мурхьирайн шунни. Ва ишираву Хасавюртулал райондалиясса 20 шинавусса жагьил оьрмулуца хьунни, 18 шинавусса 2 пассажир, цIунцияртту хьуну, азарханалийн иян унни.

КЪАЛПССА ЧЕКРУ

Республикалий чIяву хьуну бур ттучанная зат ласасийни хIарамзадашиву дуллалисса ишру. Маша бувманал ккаккан дуллай ур ттучаннан счетрайн арцу дирчусса къалпсса чек. Уттигьану укунсса иш хьунни Избербаш-

лив. Ца хьамитайпалул, 2000-нния лирчусса арцунсса затругу ларсун, телефондалийхчин арцу дирчусса чек ккаккан дурну дур. Махь кIул хьуну бур мунил къалпсса чек ккаккан дурну диркIшиву.

Полициялул зузалт баян буллай бур: зунма укунсса иш хьурча, циксса арцуя бухьурчагу ихтилат, мугьлат бакьа баян бувара органнай тIий.

**АРСНАЛ БУТТАЛ
БАКIРАЙХ ХХАРАЧIАНИ
РИРШУНУ ДУР**

Февраль зурул 12-нний, ссят 4.00 хьусса чIумал, Дагестанские Огни шагьрулий, ичIура къалмакъал хьуну, арснал 48 шинавусса цала буттал бакIрайх ххарачIани риршуну дур. Шавурду дирсса адамина, азарханалийн увцуну, медициналул кумаг бувну махь, итаавкьуну ур. ЦIухху-ккакку буллалийний, арснал бувсун бур, архIал хIачIлай бунува, цала дянив къалмакъал хьушиву. Ва иширал хIакьираву материал рартIун дур.

**МАРИХУАНА
ЛЯВКЬУНУ БУР**

Февраль зурул 12-нний Дарбантлив 35 шинавусса адаминачIа, цIухла бивхьуну, 35 граммрая ливчусса хьхьихьилул наркотикру льявкьуну бур. Экспертизалул чIалачи бувну бур ми марихуана бушиву.

Ва иширал хIакьираву уголов дело сукку дурну дур.

**ГЬАНЧУНАЙН ЧИЛА
ШУНУ ДУР**

Февраль зурул 11-нний Къаякентуллал райондалий, ичIура къалмакъал хьуну, 67 шинавусса адаминал 45 шинавусса цала уссил оьрчIайн чIила шуну дур. Ва азарханалийн увцуну ур. ЧIила шума увгьуну, цIухху-ккакку бувну бур. Ванал бусласимунийн бувну, га кьини ванал хьунама уссишал рагьну, ганайх риршуну дур. Уссурваврак дянйялу укуннагу чIярусса шиннардий нахIу дакъа-сса диркIун дур. Ахттакьун чIумал хьунама уссу, кIиягу арсту увцуну, ваначIан увкIун ур. Гайннава цаннал ванайх бившуну бур. Ваналгу чIила шуну дур. ЧIила шума увгьуну ур. Ванал хIакьираву уголов дело сукку дурну дур.

**БАКЬА ХЬУССА МАШИНА
ЛЯВКЬУНУ БУР**

Семендер поселокрай, МахIачкьалалиясса 30 шинавусса жагьил нанисса «ВАЗ – 21807» машина ххал буллалисса чIумал, Дагъусттаннал Госавтоинспекциялул зузалтран кIул хьуну бур ва интерполданул ххал буллалисса машина бушиву. Машина льякьин баян бувну бивкIун бур Челябинскаллал полициялул отделданул. ЦIухху-ккакку бан машиналул заллу полициялул отделданийн увцуну ур. Полициялул зузалт ванал бувсмур ТIайласса буриу кIул буллай бур. Ва иширал хIакьираву материал рартIун дур.

**ХIадур бувссар
Адриана АьДУЛЛАЕВАЛ**

Лакрал халкъуннал учаларттава

Давлатлуван булунсса уттулу мискиннал ччихул майлий аьгьу бвессия тIар.

Дакъа хьу чIиллул къуру ар-цулли бикIайсса.

Дакъасса хIажак азарун-нацагу ликкан къашайссар.

Дакъашиврл ччимур бан ай.

ДачIу къаритайсса най къабикIайссар.

Дирхьунинни щин дачай-сса.

Дуллу канин хьамакъаритай, дурку лякълун хьамаритарчангу.

Дунийгу къадру бакъая, дакъа хьунийгу аьтIий буру.

Дуниял дукал ляхъума акъассар.

Ду чув дакъа чувнайн щай-сса чIунгу дучIайссар.

Дякъил хьхьичIух – бурциллу.

Дакъул маз кутIассар.

ЗахIматралуу щала щяравалу чачIун дайссар.

Ини ливхьун, лякъа хьирив даьну лавгунни.

ИвIунал цацала гьатта-вун цичIав къаласайссар.

Интту – илтIа, ссут-тил – уч.

КIулну бикIан Эшкъи-ччаврил къини

Февральданул 14-нний дуняллий хьунадакъай Эшкъи-ччаврил къини ягу Мубараксса Валентиннул къини. Му къини дакIнил лавъсса жагьилтурал ва душаврал цаннал цаннан бахшишру дувай: къюкIлил лишан дусса открьткартту, тIутIал кацIру ягу тIюн-гъасса асарду дакIний чантI учин буллалисса лишанну.

Аминат АХИМАДОВА

Бусласаврийн буну, ва хьун дакъасса байрандалул дайди хьу хьуну дур Терни тIисса Румул-лал шагьрулия. Мугу диркIун дур билаятрай дявирду нани-сса, паракъат дакъасса чIун. Ва шагьрулий ялапар хьанай ивкIун ур Валентин тIисса чув адамина. Му, дявирлийгу гьурт-ту хьанай, килисалул зузаланугу ивкIун ур. Дявирлийн чиваркI биял къахьанай, саллатIтал аьралий иширттая махьал-лил къахьуншиврул, Клавдий КIилчинманал хIукму къамул буну бур чиваркIуннан хьам-и дуцин къабучIи буллалисса. Цала пикрилий, эшкъи-ччаву хьусса ягу кулпат бусса аьрали-чу ччаврил хияллахух къагьан-шиврул.

Аьралитурал тIурча, хIук-мулух къулагъас ча дайссия, аьзизминнуцал хьунабакъин-сса умуд къакъукълай, машва-рартту шашлай бивкIун бур. Ва-



лентин ивкIун ур романтик. Ган-нан саллатIтурай цими хьанай, къюлтIницIух ччаврил дургъуса дакIру чачIун дулла ивкIун ур. Цансса хьхурдай Валентиннул магьарду бишайсса бивкIун бур дакIнил дустуран.

КъюлтIницIух дуллалисса давуртту, ци-чулийгу, ялун къа-лирчуну къаличIайхха, аьралий хьунаманан кIул хьуну, баян буну бур императорнайн. Ганалгу, хьиривляву къадурну, мугьлат бакъа Валентин аьс ансса амру

чивчуну бур. Дуснакъгу увну, цIакъсса къарал бивтун бур. Дуснакъраву унувагу, Вален-тиннул ччаврил тура къадиртун дакъар. Эшкъи-ччаву дурну дур къаралчинал Юлия тIисса душ-них. Танингу ва ччан хьуну ур. Цува аьс ан хьхьичI Валентин-нул ЮлиячIан эшкъи-ччаврил чагьар чивчуну бур, къулбас-гу дурну дур «Вил Валентин» тIий. Амма аьзизмуничIан ча-гьар язима аьс увну махь бивну бур. Юлия оьрмул-оьрмулухун Валентиннуин хаин къавхьуну бур. Ва инсантурал дакIурдийн асар биян буллалисса хавар ду-нияллийх ппив хьуну бур. Вален-тин аьс увсса къинигу кIицI ла-глан бивкIун бур эшкъи-ччаврил байранну – Мубараксса Ва-лентиннул къинину. ВаницIун бавхIусса бусаларду цикссагу бур, мяълумну кIулну бакъар цу-мур тIайлассарив.

ХIакъсса ччаву Заннал язи-миннанни тIар дулайсса. Ччав-рил къини жуцIара сийлий дакъ-анугу, эшкъи-ччаврил буса-ларду цикссагу бур: ингилис-нал «Ромео ва Джульетта», аьрабнал «Лайла ва Мажнун», узбакIнал «Пагьир ва Зугьра», лаграл «Маллай ва ПатIимат», «ХIажияв ва ХIавиват» ва му-кунма цаймигу. Вай чачIун буну бур ччаврил, оьрмулуву ша-лиххан къабивтунугу, абадлий ливчIун бур хIакъсса ччаврил лишаннуу.

Заккунттай буккаврил бяст-ччал

Вай гьантрай Каспийскалий Аьли Аьлиевул цIанийсса Спор-трал къатраву хьунни боксрал Дагъусттаннал первенство. ДР-лул Спортрал министерствалул прессалул къулдугьрал бувсмуний-ну, бяст-ччаллавух гьуртту хьуну ур 22 муниципалитетраясса 17-18 шиннавусса сайки 250 спортсмен.

ХI.АЬДИЛОВ

ХьхьичIунми кIантурду бувгьуну бур Султанмурад ХIажиевлул (48 кило, Буйнакск), Муслим Давлеткаевул (51 кило, Хасавюрт), МухIаммад Исиевлул

(54 кило, Хасавюрт) АхIмадбаг Мажидовул (57 кило, Буйнакс-калал район), МахIаммад МахIантовул (60 кило, Буй-накск), Исмаил Ибрагьимовул (63,5 кило, МахIачкъала), Макка-шарип Аьдилгереевлул (67 кило,

Буйнакск), Акав Бамматовул (71 кило, Каспийск), Карим ТIалхатовул (75 кило, Хаса-вюрт), Рамазан МахIаммадовул (80 кило, МахIачкъала), Камил Жамаевул (86 кило, Къизи-люрт), Даци Дациевул (92 кило, МахIачкъала), МахIаммадхан Ма-лачиевлул (92 кило, Буйнакск).

Командарттавату 1-мур кIану бувгьунни МахIачкъалалал, 2-мур – Хасавюртулал ва 3-мур – Буйнакскалал.

Оператив штабрал бусласимур

ХIакъинусса къини (февраль-данул 16-нний) Дагъусттан-най коронавирсурал къашавайсса 103 059 инсан ур (гьантлун 7 инсан къашавай хьанай ур). Хьин хьу-ну ур 99 227 (гьантлун 15 инсан). ИвкIуну ур 3 629 инсан. Ххал увну ур (тестру дурну) 6 314 806 инсан (гьантлун 4746).

Дагъусттаннайсса вакцинациялул хIасиллу

Дагъусттаннай - 1 757 114

Ккуллал райондалий - 6 089

Лакрал райондалий - 6 212

ЦIуссалакрал райондалий - 22 611



ЧIунлахъиялун

КIяламиннул 2 ходрай мат дихълай бур.



1. Сd3 e6 2. f2. d6x 1... e5 2. f4x4
1... Kр6 2. f2. f5x 1... Kр5 2. f4x

МАХIАЧКЪАЛА

Ит	Ттл	Ар	Хм	Нж	Ххл	Ал
20	21	22	23	24	25	26
ДЯРКЪУ-ГЬИЛИШИВУ (°C)						
+6	+2	+2	+4	+5	+6	+6
+1	0	0	-1	+1	+1	+1
МАРЧ (м/с)						
13	13	5	8	6	7	7
ГЪАРАЛ(мм)						
0	0,4	0	0	0	0	0

Гъавалул тагьар

Ит	Ттл	Ар	Хм	Нж	Ххл	Ал
20	21	22	23	24	25	26
ДЯРКЪУ-ГЬИЛИШИВУ (°C)						
+7	+9	-2	+2	+4	+3	+4
-3	-5	-7	-7	-4	-5	-3
МАРЧ (м/с)						
12	11	3	3	3	4	6
ГЪАРАЛ(мм)						
0	0,2	1,1	0	0	0	0

гьумучи



Газета «Илчи» (Вестник)

Учредитель:
Агентство информации и печати
Республики Дагестан

Хьунама редакторнахлу:
БАШАЕВ Р.М.
Тел.. 65-00-07

Къардашов Р. Аь. Тел. 65-03-12
хьунама редакторнал хьиривма

Редколлегия:
Адамов АьбдурахIман
МахIаммадович
Аьлиев ХIажи Сулайманович
Исрапилов Артур Анварович
КьурбанмахIаммадов Чанкура
Рамазанович
Маммаев Сулайман
Нураттинович
МахIаммадов Юсуп ХIамидович
Хаппалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупиянович
Шалласуев Шалласу Рамазанович
Эльдарова Роза ХIажиевна

Отделлал редактортал:
Аьбдуллаева А. П.
Аьдилов ХI. А.
Рамазанова П. ХI.
Тахакъаева З. К.
ХIусайнаева К.А.

Подпискалул отдел:
Аьбдуллаев А. Кь.

Корреспондентьгал:
АьбдурахIманова З. Т.
Аьлиева Б. Д.
Саидова И. А.

Корректор:
АхIмадова А.И.

Кказитрал компьютерданул цех:
Абакарова К. Н.
ХIажиева З. У.

Кказитрай дурксса макьаларттаву
кIицI лавгмур тIайлашиврул жаваб
дулайссар чивчуманал.
Редакция макьалалул залуннал
пикрилий ризину бакъахьурчагу,
макъала рижайссар, жяматрал
цаламур пикри бусанссар тIисса
ниятрай. Кказитраин дуркIсса
макъаларттайн рецензия къачи-
чайссар ва ми залуннахьхьун зана
къадайссар.

Кказит буккайссар ножмардий цал.
Шиная итабакъайссар 52 номер.

Кказитрал индекс. П7046
Тираж – 2000 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail. ilchi@rambler.ru
http://ilchi.info
Тел./факс. 65-00-07

Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД .
Рег. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.

Цена свободная



4 651116 280051